

# *MASHIMA AKUTUVIKA*

 Echenu etu tulombe.

Mwata, jino etu twafwelela. Etu twafwelela hali Mwana Kalunga, kaha, kuhichila muli echi, etu tunetavila Kuyoya cha Hayamyaka yosena kuhichila muli Ikiye. Jino etu tunakunguluka cheka, musana uno, mokomoko chingoloshi chino, kukutanga chikwavo, kukufwelela Ove ha Mujimbu na ha kala chuma Ove maya nakutulweka ufuku uno. Etu twafwelela Ove, Mwata, kaha etu tunavandamina hali Ove. Kaha Ove wambile ngwove, “Vaze navakavandamina hali Mwata navakaya nakutungulula ngolo javo; vakiko navakazezuka helu na mavava nge kwaze.” Kaha etu twalombo, Kalunga, nge Ove maya nakutuhana etu kukanduka cha Ngolo, ufukuuno, shimbu etu tuli nakuvandamina hali Ove.

<sup>2</sup> Etu twa kusakwilila Ove hali ava vathu, na omu vakiko vanalumbununa kuli Ove na nomu vakiko vanalumbununa kuli yami. Ngwakusakwilila Ove hali echi, Tata. Vakiko vanapu malolwa Ove andando yayikalu. Kaha Ngwalombo, Kalunga, nge ufuku uno, nge Ove maya nakulisolola Ove lyavene mujila kana, kuli vakiko, nge omu vakiko vanatondo. Kachi muli mukakuviza muno, echa vakiko vapwenga vakuhinduka. Kachi muli kukakasana muvishinganyeka vyva muthuumwe, yifumisemo, Mwata. Kaha tuhane kaha etu Kupwa Chove na kukisula Chove, mwomwo etu tunavitondo, Mwata. Ove unapu kutonda chetu chosena. Kaha, chakuzeneka Ove, etu katweshi kuhasa kulinga na chumako.

<sup>3</sup> Etu twalombo nge Ove maya nakutambula kusakwilila chetu hali vyosena Ove unalingi. Mu Lijina lyu Yesu Kulishitu etu tuli nakutala kulutwe kukukisula Chove. Amena.

Munahase kupwa va kutwama.

<sup>4</sup> Kaha, chamwaza, chili chakwoloka na—na kupwa kututa chindende Chalumingo chino cha ufuku, muno, kuhambakana Chalumingo cha ufuku chapwangaho. Etu tuli vene vakusakwilila kuli vandumbwetu vamalunga vaze vazatanga mwakushishika mukuwana chino. Ngunatachikiza vavalii mokomoko vatatu muli vakiko. Ndumbu walunga Mike Egan, nge omu Ngwamono kunyima kuze, kaha Ngwa...Ndumbu walunga Mike, na Ndumbu walunga Sothmann, Ndumbu walunga (Ngwafwelela) Roy Roberson, na Ndumbu walunga Wood, na vosena, vakiko vapwanga kuno nakutukuchila hali echi, kweseka kupwa na echi mangana etu tupwenga na ou Mujimbu lwola luno, mokomoko lelo. Shikaho, etu tuli vakusakwilila.

<sup>5</sup> Jino, Chalumingo na chizaho na chimene, nge Mwata netava, Ngwatondo kupwa na kutangisa cha kuka cha kulembelela va kakuviza. Kaha etu natuya na kuyikujika kukutanga cha kuhindula, kachi Mwata netavila.

<sup>6</sup> Ngwatalisanga, chimene chino, kuli mukuta wa malesu hano. Ngwa wa lombelelanga. Kaha Ngwa, shimbu enu mwapwanga nakulomba na kwimba, Ngwa wa lombelelanga; kaha jino kuli eka nawu ufuku uno. Shikaho, etu—etu twafwelela nge Kalunga ej iukanga vakakuviza. Shikaho maujiho amavulu amanene a kuka mukachi ketu, na kaye kwosena, kaha etu tunapu vakusakwilila hali echii.

<sup>7</sup> Kaha Ngwashinganyeka, Chalumingo nachizaho, kupwa Ngwatela kufumaho chindende, kaha etu tunapunga chikuma mu kunangula chikuma na Mujimbu, nge Ngwashinganyeka nge nachiya nakupwa chumachimwe chamwaza kachi etu natupwa na—na kutanga cha kuka, kulombelela vakakuviza. Kaha etu twafwelela nge Kalunga mwakaya nakutuhana etu lwola lwalunene.

<sup>8</sup> Jino, vavavulu muli enu kuvanga vendese jimiylosi jajivulu ufuku uno. Shikaho Ngwapwile nakuhanjika kuli mazavu hali va—vaze va Blue Boar Cafeteria, lelo, kuze Ngwapwanga nakupwa nakulya chaufuku. Vathu vamwe vamwaza, Ngwavamenekanga mumavoko avo na kuhanjika na vakiko, vathu vamwe vaze kanda lyehi Nguliwane navo, vakiko veji kwizanga kuno kuliuka. Kaha Ngunapu wakusakwilila hali masepa vamuyachi kana, kaha Ngwatondo kusakwilila hali enu vosena. Vamwe vavo vanambate mambulisi, nakutunehela. Kaha umwe anehele mulondo wa mwezu mokomoko vindanda, Ngwafwelela vikiko vyapwilenga, na—na vyuma kana. Enu munahono kutachikiza omwo chalumbunukila. Kaha na chimene, Ngwejile na kuya nakulovoka muzuvo, lwola lumwe kuze...

<sup>9</sup> Chimene chikwavo kuze kwapwilenga vandumbu vamwe vamalunga vaze vapwilenga vavapi vene, vapwile vakuzeneka uvwalo na vyuma vimwe, vangutondele nge nguvatwalile uvwalo umwe. Ngwaputukile kuya, kaha Ngwahetele pamo nakuhukana ha mulondo wa mambulisi yatwamine muze. Ngwambile ngwami, “Enu yenu mwanehangha awa mambulisi?”

<sup>10</sup> Kaha ikiye ambile ngwenyi, “Nduma, kangwatachikijileko. Ngunapunga hano musana wosena, kaha vakiko vapwilenga vanatwame hano.” Kaha apwilenga Ndumbwami wamwaza Ruddell ikiye awanehele kuli yami. Kaha, shikaho, vize vyuma kana Ngwasakwilile vene.

<sup>11</sup> Billy Paul angulwekanga yami, hanyima chindende, nge mukachi kachino chikungulwilo ufuku uno, vakiko vanatambula wana, wa yami. Ngwa—Ngwa sakwilila hali echii. Kangwatondanga enu kulinga echiko. Ngwa—Ngwa

sakwilila ha kuzata chenu, na vyangocho, oloze chize chinapu chakutamo. Kaha, oloze, ou Mwata amikisule. Munatachikiza, munatachikiza, eyi Mbimbiliya yamba ngwayo, “Omwo namuchilinga kuli ava vakukuminamo, enu munachilingi kuli Yami.”

<sup>12</sup> Jino, Ngunapunga kaha nakuhanjika kuli enu, hali ou Mujimbu, hatoma to. Kaha Ngwa...Vathu vamwe vanahase kupwa nakushindakana nge—nge Ngwa shinganyeka nge Yesu ali nakwiza na chimene mokomoko na ufuku uno. Ngwa shingayekamo. Jino, Kangwahanjikile ngachizeko nge Ikiye mwezako. Kaha, cheka, Ikiye pamo keshi kwizako mumulungu nawizaho, kaha pamo nachikapwa mu mwaka nawizaho, pamo namuhita myaka likumi. Ngunahono kutachikiza lwola muka Ikiye ali nakwiza. Oloze, kuli kaha chuma chimwe Ngwatondo ku...lwola lwose na namupwa nacho muvishinganyeka, enu pwenu vakulizanga kala munyutu mokomoko ola. Talenu? Echi, kachi Ikiye mwahona kwiza lelo, Ikiye nahase kwiza hamene. Shikaho pwako nechi muvishinganyeka vyove, nge Ikiye ali nakwiza.

<sup>13</sup> Kaha Ngunahono kutachikiza lwola muka nalukapwa ola hano hamavu, chipwe etu vosena. Kaha kakweshi numba umwe wethu atachikizako lwola Ikiye ali nakwiza. Ikiye katachikizako, Lyavene, ha Mazu Eyi Lyavene; Ikiye ambile ngwenyi, “Kuvanga Tata, kaha, atachikiza lwola Ikiye mwakaya nakwiza; keshi numba Mwana katachikizako lwola Ikiye mwakeza.” Kuvanga omwo Kalunga mwakamutuma Ikiye kuli etu cheka. Oloze etu tuli nakutala ha Kwiza Chenyi. Kaha kachi Ikiye keshi kwizako muli chino chisemunuino, Ikiye mwakeza muchikwavo nachishisaho; kachi Ikiye mwahona kwiza muli chize chimwe, Ikiye mweza muli chikwavo. Oloze, yami lyavene, Kangwamwene nge kunasale lwolako. Nguli kaha... Kuli yami, chinahase kusoloka kala munyutu. Jino, echi kachalumbunukile... Nge echi chinalumbununa, jino, nge enu namuya nakumona melu kwalumuka na vyuma... Echi kacheshi Kwiza chenyiko Nguli nakuhanjika ho. Ngunakuhanjika ha Kuhukula.

<sup>14</sup> Talenu, Ikiye ali Kwiza chitatu. Ikiye mweza mumajina atatu awu mwana. Ikiye mweza mu utatu: Tata, Mwana, Shipilitu Wajila. Talenu, vyosena Kulishitu youmwe, youmwe Kalunga, lwola lwose na. Jino, etu tunatachikiza Ikiye ejile nakuneha milimo ya likoji yitatatu: kutuvulukila kwoloka, kujilika, lujimiko lwa Shipilitu Wajila. Vyuma vyosena, muli Kalunga, vya kumina muutatu.

<sup>15</sup> Kaha shikaho Ikiye ejile, chatete, nakusokola Mwenga Wenyi. Ikiye mweza, kamuchivali, nge mu Kuhukula, nakumbata Mwenga Wenyi. Ikiye mweza, kamuchitatu, na Mwenga Wenyi, Mwangana na Lisano; hanyima, mukiko vathu vavavulu valinakuvandamina Kwiza.

Oloze omwo Ikiye mweze muli luno lwola, keshi vosenako shina vaze kaha vanatachikiza kwiza Chenyi. Nakukapwa kaha kujimbala cha vathu. Vakiko kaveshi katachikiza chuma muka chinasoloka kuli vakiko. Vakiko navakaya nakuvafumisaho, mukatando kakandende, kaha vakiko navakajimbala kaha. "Kuvalumuna mu katando kakandende, mu kutemwina cha liso." Shikaho pwenu kaha vakulizanga hali echi. Nachikaya nakupwa chimene chimwe chachipi hakujimbalisa vakuzanga, naumwe pimbi mwakavawana. Kumana kacheshi kapwa chachipiko hakutachikiza nge chinahichi lyehi kaha ove unasaleho? Shikaho twalilaho kupwa kumeso a Kalunga.

<sup>16</sup> Jino, mulungu nawizaho, nge Mwata netavila, Chimwe nachizaho, kufuma mumulungu wa Chimwe, kachi Kalunga netavila, Nguli nakumbata chisaka kuwatwala ku Arizona kuze vakiko navakaya ku shikola, kahajino Yami—Yami nangukinduluka.

<sup>17</sup> Jino, Kangweshi kuya kuzeko...Kakweshi kukapwa kala kutangisako chakupwa kuze. Kangwavula kupwa muze mu Arizona ko. Nguli nakuya kumwe kweka. Nangumbata na pwevo lyami kuya nenyi kuze, mu Chimwe nachizaho. Nguli nakwiza na kukinduluka cheka kuno. Nanguafuma kuno nakuya ku British Columbia. Nangukinduluka ku Colorado. Nanguya nakupwa mu Arizona cheka lwolalumwe kwakamwihi na Christmas, mu maminytu yayindende, kushimbula chikuma... pamo mumakumbi avali mokomoko atatu, kumbata chisaka hamwe, nakukinduluka hano kuhita mukunoka cha Christmas, nge Mwata netava, kupwa na kutanga kuhita na mumulungu wa mwaka wauhya kuno.

<sup>18</sup> Shikaho jino Nguli hano, chindende, kuhambakana. Nguli hano pamo kapapa ka teni kuhambakana kuze, mwomwo etu katwesi na liuka mokomoko kala kutangisa kuzeko, kakweshi chumako kuze, shikaho, mujila ya kutanga na liuka. Chize chinapu chuma chimwe chachipi hali echi. Kangweshi na chihelako kwakutuma vanako kuze navaya nakwivwa Mujimbu, nge omu vali vana venu vali nakwivwa kuno, kaha—kaha shikaho ukiko ukalu umwe etu tuli nawo. Oloze vakiko vosena vali vakulikakungula. Kunapu kwaumu, kwakuzuma, ngonde yaumu, oloze vana vosena vanasoloka kupwa vakulikangula. Kangweshi nakushimbula chikumako hakutachikiza nge ngonde ili yakulikangula mokomoko keshi ya kulikangulako. Nguli, Nguli nakwenda, kaha Ngu—Ngu—Ngunashinganyeka nge Ngwapwile kaha wakusemuka kupwa muka kukimbwojoka.

<sup>19</sup> Pwevo lyami ejи kunguvuluka yami...Ngunatachikiza ikiye ali muno, shikaho Nanguya nakupwa nechi hanyima ya liuka, muvosena munatachikiza. Chize vachivuluka ngwavo ika, jipeho jakunungujoka, mokomoko jipeho jakuzeneka kunoka, mokomoko kalamwosena—kalamwosena, munatachikiza,

usekulula wakushikumuka? Mokomoko, Ngwapwa lwola lwosena wakwenda, mujila ikwavo. Kaha Ngunapu wakumbata jino, mumyaka twende tu, kaha Yami, lwola lumwe, Ngwashinganyeka Ngunapu ngeji muzuvo, mwomwo Ngwatela kuya.

Oloze Nguli nakutala ha lwola luze omwo etu natuya nakupwa vakutwama kanawa Mulifuchi ly a kusemukila likumbi limwe. Oloze jino jita hanga iliko, shikaho echa tupwenu mukulomba.

<sup>20</sup> Kanda kuvulyamako, Chalumingo nachizaho na chimene, nge Mwata netava, nehenu vakakuviza na valinakuyanjiwisa. Twayenu kalivangenu, kawane chihela chove, kaha vene kuli lizavu lyatela kulombelela. Etu twatela kuhana makati. Kachi nge kaweshi amavuluko, kaha etu katweshi kuhasa kuhana makati akulombelelako, anatemo kaha kutunga mukana waundende nge yivali mokomoko yitatu, mokomoko chuma chimwe. Oloze etu—etu natuya pamo nakuhana makati akulombelela, shikaho etu natuya pamo nakupwa pamo ha ola shimbu kanda kutanga chivene, echi Ngunashinganyeka kupwa nacho... Nachiya nakupwa eyiti, eyiti mokomoko eyiti seti, vakiko navaya nakuhana makati akulombelela; kusokolola liuka, kuhana makati akulombelela Chalumingo nachizaho nachimene. Kaha jino pwenu vakukunyuka mupwenga hano.... Nehenu vakuzanga jenu, vahakenu vakiko muze. Nachiya nakupwa chamwaza na kuunda muliuka, kachi vakiko vakakuviza, kaha etu natuya nakulinga vyuma vimwe etu tunahase kuvalombelela vakiko.

<sup>21</sup> Ngwasakwilila, cheka, ha wana wa zangi.

<sup>22</sup> Kaha jino etu natuya nakutanga Mazu amwe a Kalunga, ufuku uno, kaha pwenu vakulizanga hali echi chuma kana Kupwa Chove cheka kuneha Lizu Lyenyi. Jino, etu tunatachikiza nge etu natutanga, oloze Kalunga ali nakusolola echi kutanga. Talenu? Etu tunahase kumbata, oloze Kalunga atela kusolola echi kutanga. Kaha shimbu ove uli nakufukununa jino mu Mukanda wa Yelemiya, kapetulu 2...

<sup>23</sup> Ngwatondo kuhanjika nge Ngunawahilila nakupwa, na etu, Ndumbu walunga Lee Vayle, ndumbu walunga wamwaza muli Mwata. Kaha Ngwashinganyeka hano, ndumbu walunga hano, Kangweshi kushinganyeka lijina lyenyi, Ndumbu walunga Willard Crase. Kaha Ngwamwene vandumbu vamalunga kufuma ku Arkansas, Ndumbu walunga Yowano na vakiko, kufuma ku Poplar Bluff, na Ndumbu walunga Blair. Kaha, mamalelo, Ndumbu walunga Jackson, kaha Ndumbu walunga Ruddell, kaha vavavulu vaze Kangwa—Kangweshi kuhasako.... Kachi Ngwahasanga kuvuluka muthu wosena halijina oloze Kangweshi kaha kuhasako, kaha enu namuchivwishisa. Ndumbu walunga Ben Bryant, Ngwamumono ikiye natwame

kuze; ikiye lwola lwosena apwa amena yami mumbango shimbu Yami... Muthuwosena natachikiza Ben kuhichila mu lizu lyenyi. Huu-hu.

<sup>24</sup> Etu, kutwama mu California lwola lumwe, Ngwapwilenga nakunangula Mujimbu hali vathu va mu Mbaputishiti muze muchano. Vakiko vapwilenga na mbalaka yayanene kuze, kaha vavavulu vakakunangula vachi Mbaputishiti. Kangwahashile kwivwa "amen" kufuma kwosena; munatachikiza, woma wavamwe mapwevo kufumisa ulombo kumeso avo. Kaha jino, chuma chatete munatachikiza, Ngwamwene mahinji avali nge *ngachize*, kuya mwilu mupeho, na mavoko avali, kaha kambu jilava kunyikisa kuze, kutambakana, "Amen," kutetumuka nge ngachize. Kaha Ngwatalile hamavu, Ngwambile ngwami, "Ben, wafuminyina kulihi?" Ikiye apwilenga vene nakwivwa ize "amen."

<sup>25</sup> Ngwamono pwevo lyenyi natale hali yami, chindende kaha. Chamwaza, ikiye ali nakujimbalisa chindende jikambu jilava, oloze chize chili chakwoloka, munatachikiza. Kanda kulisakaminako hali chize. Ngwalingile, najami, kunyima chikuma.

Shikaho, jino, kanda kuvulyama kulomba ko.

<sup>26</sup> Jino shimbu etu natuya nakupwa yakushishika kusali ya kutanga, anuka, kachi etu natutanga eli Lizu, kahajino Kalunga mwaya nakukisula Lizu Lyenyi. "Kalyeshi kuhasa kukinduluka kuli Ikiye lyaupolongwa, oloze Naliya nakuzalisa chuma muka Likiko lyajinyine." Kaha Ngunatachikiza, mukutanga eli Lizu, Nanguya lwola lwosena nakupwa wakwoloka. Nge Nangutanga eli Lizu, Kalunga mwaya nakuvumbika Lizu Lyenyi.

<sup>27</sup> Jino echa etu twimanenu kuhana kalemesa ku Lizu Lyenyi. Yelemiya, kapetulu 2, na 12 na 13 jivasi ja Yelemiya 2.

*Enu melu, Ove... lihomokelenu, ha chechi,  
lingungumunenu, fwenu chishima, mukiko mwanambe  
YEHOVA.*

*Mwomwo vathu jami vanalingi vyavipi vivali;  
vanguseze yami ngukaselwoke wameya akuyoya, kaha  
vakiko vanalitotela mena, akiko mena akutuwika,  
akuhona kaweshi... kutwama na meya.*

Echa tunongamenu mitwe yetu jino.

<sup>28</sup> Kalunga Wamwaza, Lizu Lyove vanalitange. Kaha etu twalombo nge Ove muya nakuvumbika eli Lizu, kaha nakutuhana etu ufuku uno chishimo mokomoko chakatalilaho na Echi; nge etu natutala kumakumbi anahichi, mu Isalele, nge chakatalilaho, nge omu Mbimbiliya yatunangula etu nge etu tunahase kumona chuma muka Ove walingile kuli vakiko omwo vakiko vononokele eli Lizu, talenu chuma Ove walingile kuli vakiko omwo vakiko vazenekele kwononoka Lizu, kaha

kulingula chuma muka etu twatela kulinga. Shikaho, etu twalombo nge Ove myua nakuhanjika kuli etu naufuku mujila yakulimanyina, mangana etu tutachikize omu mwakuyoyela etu vavene muli lino likumbi, eli etu tunalinangula mu chimene chino etu tulimo nakuyoyela. Echi etu tunachilombo mu Lijina lyu Yesu. Amen.

Echa mutwame.

<sup>29</sup> Ngwatondo kuhanjika ufuku uno ha mutwe wachihande, kaha nge—nge ha lwola lwalundende: *Mashima akutuvika*.

<sup>30</sup> Isalele valingile vyavipi vivali vyavinene. Kalunga ambile ngwenyi vakiko vanalumuka kufuma kuli Ikiye, uze Kaselwoke wa Kuyoya, kaha vanalifulila vavene mashima akunwamo. Jino, chize chinapu chumacheka.

<sup>31</sup> Mulonga Ngwashinganyekanga echi kutanga mwomwo nachiya nakutambukila hamwe na chize Ngwapwanga nakuhanjika na chimene, cha ola kanaetu tuli nakuyoyelamo, kaha Mulonga etu tuli nakulipikila.

<sup>32</sup> Kaha etu tunatale hali va Isalele kupwa chitalilo, nge, omu apwile Kalunga, Ikiye lwola lworesa atela kupwa mwomumwe. Kaha kuli kaha chuma chimwe Kalunga nahase kuvumbika, shina, jila Yenyi ize Ikiye nahane kuli vathu. Kaha nge vakiko navafumamo, kahajino chinawane nge Kalunga kavamuvumbikileko, kaha Kalunga alingishile vathu kuyanda ha kufuma muli chize Ikiye navalweke vakiko kulinga, numbathuhu chipwenga ngachilihi.

Ikiye avahanyine lushimbi, “Kukwata chiku, kukwachilila chiku, kumakila chiku.” Kaha mwomwo ya kupihya hakuchilinga, oloze kupihya ha kuzeneka kwononoka ku chuma Ikiye nahanjika kulinga. Kaha kwatwama lwola lworesa lushimbi lwakuzeneka kuzangamisa hali luze lushimbiko. Mwomwo, kachi kakweshi kuzangamisa ko, kahajino, lushimbi kalweshi kupwa chumako kuvanga kupwenga kuzangamisa. Luze lukiko lushimbi!

<sup>33</sup> Jino, etu tunawane, chuma vakiko valingile muli lize likumbi chasoloka chili nakwendela hamwe na chuma etu tuli nakulinga lelo, na omu vali nakulinga vathu va mumauka.

<sup>34</sup> Jino etu twamona chuma chaungeji hano. Echi chinahase kupwa chaungeji kuli vathu vamwe, omwo Ikiye ambile ngwenyi, “Ove uli, vakiko vanali, totela vavane mashima, mashima akutuvika.” Jino, pamo enu veka kamwatachikiza lishima chuma muka. Vangahi vatachikiza lishima chuma muka? Chamwaza, enu vavavulu. Kachi ove wakulila ku mande, ove kachi unatachikiza lishima chuma muka. Ngunanuka Ngunanu tututu kufuma muli lize, ku—kutachikiza lishima chuma nge—nge muka.

Kunangula mulifuchi kuze, muze mu chitandapoli, kuze enu muli lishima lya chimbwetengele na meya akukendama muze vene, ali nakufuma—kuvula, munatachikiza, kaha kusoloka kupwa nge lyamwaka chindende. Kaha—kaha jino vaze tututu, halwola lwaufuku, navaya nakwingilamo. Kaha shikaho Ngunatachikiza meya amulishima omwo apwa.

<sup>35</sup> Kaha—kaha lishima linapu nge—nge chihela, chuma chize vanafulu mumavu, kushisa muchihela cha ndilayi. Kuze vathu kuli vathu vanahono ndilayi, kahajino vakiko navapwa na—na lishima. Mujila ikwavo, lishima linapu nge tanki yakutunga kuli muthu, mokomoko ndilayi yakutaunga kuli muthu ya mumavu, lize muthu nafulu mumavu, mangana awane meya, aku—aku zachisa. Vathu vamwe veji kuwazachisa kupwa akukosesa, kaha veka kuwazachisa kupwa akunwa, kaha mujijila jakuhandunukahandunuka, pamo. Meya osena kwosena lwolalumwe, etu twapwile nakupwa nawo, apwilenga amu lishima. Twapwilenga na chuma chamwaka ove watela kuhwingisa, nakujingulwisa, kujingulwisa, kujingulwisa, numba upwenga na meya; twapwilenga na tumambaket i twatundende, twakufumishisa nacho meya kufuma muze mu lishima.

<sup>36</sup> Chamwaza, etu twatachikijile chuma chimwe hali lize lishima lya kuhandunuka kufuma kumashima akwavo. Jino, lize lishima hamwe nalyuma. Lize—lize—lize lishima kalyeshi kuhasa kulizalisa liveneko. Lili kaha—lili...Lili lya kuzeneka kukundamina. Ove kaweshi kuhasa kulikundamina hali eli lishima ko. Likiko lyakundamina na kuvandamina ha kunoka cha vula mungonde ya vula mokomoko hachishika, kala mwosena omwo...Kakavulu, mu lwola lwa shika omwo mbundu naiza na vula kwiza, kahajino nachiya nakumisa aze meya. Kaha kachi enu namuhona kumbata aze meya, kahajino enu—enu kamweshi kuhasa kupwa nameyako. Mukiko kaha—mukiko kaha...nalyuma. Kaha kalyeshi kuhasa kulizalisa liveneko. Lize lishima lyamwaka kalyeshi kuhasa kulizalisa liveneko. Lyeji kuzala kufuma ku—ku kunoka cha jivula.

<sup>37</sup> Kaha Ngwatondo enu kutilisa ha chuma chikwavo hali eli lishima. Kakavulu, enu namuwana, mokomoko jila lyapwilile kuchihela chetu, lize lishima...Kakavulu chize chisete pamo chili chachinene pamo kavali kutohwa cha zuvo, kaha akiko kakavulu meya apwilenga nakuhulumuka kufuma ha chisete, na kwingila mu lishima. Ngunanuka ize ndilayi ya lishima lyamwaka kuze, omwo ikiye apwilenga...omwo aze—aze mipila yayamuze, nawa, afuma muze muchisete. Lyapwile nakuzala na meya akufuma ku chisete.

Shikaho jino meya vawambachilenga kufuma ha fulumba ya chisete; muze, vosena tunyama veji kulyachingilanga mu hembo hosena, kaha majilo osena ahaze ha chisete helu, amulwola lwa changa. Kaha jino aze meya na eji kukosa vyosena haze

helu hafulumba, nakuwa shinjikila muze mulingolengole lyu kutunga kuli muthu, kahajino muze mu chimbwetengele, kajino nakwingila mu lishima lyu kutunga kuli muthu. Kaha kachi enu kamwashi kupwa na majilo, Ngunahono kutachikiza kaha chuma muka namupwa nacho, nge namupwa na lishima. Eyo, mwane! Echi chinapu chakutunga kuli vathu, kaha kupwa kaha na majilo nge omu atela kupwa.

<sup>38</sup> Unatachikiza, etu twapwilenga nakuvuluka... Etu twapwilenga na lihina lyu kukamwina. Mwatachikiza lyehi omwo lyapwilenga? Namuhaka lihina lyu kukamwina kuze, lyu kukwata vaze tututu vosena na vyuma vize vili nakufuma helu lyu-lyu chize chisete, kuchihela chosena, ali nakuhingunuka kufuma kuchihela chimwe na chikwavo, kwingila mu lishima. Kaha etu twapwilenga na kuhaka-lihina lyu kukamwina kulikiko, kukwata vyosena vize-vize vikwaukwau na vyuma vyosena twahashilenga. Mukiko, chize kachehashilenga kukwata majilo osenako, chakwachilenga kaha vyavinene vize vyejilenga nakuholoka. Vaze tututu vanahase kuholokela muze, oloze musoji wa tututu wahichilenga hamwe na meya. Shikaho, enu-enu vene namupwa na majilo nge namupwa na lishima lyamwaka.

<sup>39</sup> Mu makumbi amandende, obe mwecha meya kwimana kuze, kaha naweza nakupwa kutengama. Ove mwecha meya kwimana mu lishima, naweza nakupwa akutengama. Kaha nalizala na-na vizunda, na misulu, na manoka. Kaha etu twapwilenga na kuvuluka nge "mavwovela," chindende kaha... Ngunahono kutachikiza nge... Vakiko vali tututu vakuyoyela hali vakwavo, vakiko vali kaha... Ngunahono kutachikiza, Ngunahono kutachikiza omwo munahase kuvavuluka vakiko. Oloze vamwe vavandende navangila muze mumeya, vaze-vaze etu twavulukilenga kupwa mavwovela. Munatachikiza omwo vapwa. Vangahi vatachikiza evi Nguli nakuhanjika? Mamalelo, mwomwoika, pundu, enu vamuno mulifuchi munatachikiza. Kupwa lyu kuzala na meya akukendama, kaha jino vaze vazanga meya kana veji kwizanga nawo. Veji kwizanga kaha, mwomwo ali akukendama. Kaha mwomwo ali akukendama, ali nakukoka vize vyosena vyazanga meya akukendama.

<sup>40</sup> Kaha mukiko ali namauka etu osena amavulu lelo. Ngwashinganyeka nge etu tunaseze... Imwe shili yayinene eyi liuka inalingi lelo, yoyimwe nge Isalele, ili ya kuseza Ikiye, uze Kasselwoke wa Meya akuyoya, kaha na kulitotela vavene mashima akutunga kuvathu. Kaha echi chineza nakupwa thato ya vyuma vyosena yavaze vazanga meya amuyachi kana. Misulu, vimbote, na vyuma vyosena vyva na tututu va majilo, kuyoyelamo, mwomwo tanki yakutunga kuli muthu. Kaha muli ize tanki vyuma kana vyatwama, kupwa chitalilo chakukupuka cha vikungulwilo vyetu lelo.

<sup>41</sup> “Jino,” ove muhanjika, “Ndumbu walunga Branham, mwomwoika ove weji kuvetanga hali vathu chikuma?”

Lyatela kuliveta vene. Lyatela kuliveta. Chichine, mwomwo nachiya vene nakutunga lusona lwa chisuma. Anuka, ou ukiko Muchano! Naliya nakupwa lusona lwa chisuma. Chikungulwilo nachiya vene omu. Lili mujila kana vene, kushijika, na ngolo.

<sup>42</sup> Tala mu wangana wa Loma wamwaka. Mukiko vene chavalingishile vakiko kupwa na lusona lwakukana kulifukula chivene. Enu namuwana nge naumwe muthu nahase kulanda mokomoko kulanjisa chakuzeneka lusona lwa uze chisuma. Ikiye atelele kupwa nalwo.

<sup>43</sup> Kuli kaha miyachi ya vathu ivali hano ha mavu: vaze vana Katachikijilo ka Kalunga, na vaze vali nalusona lwauze chisuma. Miyachi ivali kaha, shikaho enu mwatela kupwa na imwe mokomoko chikwavo. Nanchiya nakupwa kukana kulifukula chive, kaha—kaha lusona lwa—lwa kulifukula, kulifukula chakukana kulifukula chivene.

<sup>44</sup> Kaha echi chinakuya nakupwa chifwanyisa chauze chisuma. Nge omu etu tunatange, etu tunawane nge ku Loma yapwilenga, ili, kaha lwola lwasena nayiya nakupwa, luze luso... mokomoko, uze chisuma. Mukiko kaha. Kakweshi cheka jila yakupwanacho kalako. Loma!

<sup>45</sup> Kaha chuma muka Loma alingile? Apwile kwalumuka cha Loma ya shili kwingila mu tata Loma, na kunehe zachiso, zachiso ya kaye kosena, ize na shinjila kalamuthu kuli chize kulifukula mokomoko kuhaka mukufwa.

<sup>46</sup> Kaha echi chinapu chuma chaungeji chili mu United States kusoloka, kaha chinapu nge mwana mukoko. Kaha mwana mukoko ali najimbinga jivali, ya milingu na lisesa lya kutangisa. Kaha hanyima chindende, omwo apwilenga mwana mukoko, etu tunawane nge ahanjikile vene nge chazangombe na kuzata na ngolo josena nge chazangombe omu apwilenga. Kaha eyi Mbimbiliya yinatulweke nge vakiko vahanjikile ngwavo, “Echa etu tutunge chifwanyisa cha ou chisuma.” Chifwanyisa chapwa chuma chimwe nge chumachimwe cheka. Kaha etu tunahase kumona echi hano vene, mujila ya seteko ya kukana kulifukula chatete, cha liuka lili nakutunga Kasulu ya Kaye ya Mauka, echi chinapu chifwanyisa cha ngolo ja Loma; kaha nachiya nakushinjika vathu muchuma chimwe chize Loma ya shili ya lingile... mokomoko tata Loma alingile. Shikaho, kakweshi jila yekako, kakweshi chuma chekako. Oloze ou unapu Muchano.

<sup>47</sup> Kaha echi chikiko Nguli nakuvetela hachikiko muno muchisemunuino chami, mu lwola lwami, mwomwo chatela kuchiveta. Chize kusanyika chejile nakwingila, kuvuluka, “Lovokenumo muli ikiye, vathu Jami, kuchina namutambwila hamwe na jishili jenyi!”

<sup>48</sup> Jino, Nguli nakufwanyisa chize nakuli awa majilo, mashima aunyengwe. “Ikiye napu Kaselweko ka Kuyoya. Ikiye napu Meya akuyoya.” Kaha muthu mwaseza Chize, na kulifulila mashima aze anahase kaha kukwata majilo. Chize chikiko kaha chuma chinahase kukwata. Kaha echi chikiko chalumbunukila kupwa vilinga vyavikungulwilo; lyeji kukwatanga kala vyuma vyosena vize naviza kaha vinatondo kulinunga. Vakiko vali vakulizanga kumbata echi kachi uli na mali, mokomoko unahase kuvwala mujila kana. Chipwethuhu hiya navahanjika, vanafumu kulihi, vakiko navavambata, mwosena omwo.

<sup>49</sup> Jino etu tunawane, cheka, nge, elu lusona lwa chisuma luze vatungile hano... America napu nambala seteni. Lyasemukile na mafuchi seteni. Lyatwama na ndembele ya vatanganyika seteni, mifunda seteni. Kaha asoloke na mu Kusoloka kapetulu 13. Kaha America lwola lwoesena napunga na pwevo, kwimananyinako ha mangwe etu. Na mutwe wa va Indian, ha peni, hali mutwe wa pwevo. Etu tunatachikiza chize, tunatachikiza mujimbu wosena wakunyima. Vyuma vyosena, ize Ngezo ya Kukasunuka, na vyuma vyosena nawa, chize kukasunuka... Kaponya wa Kukasunuka ali, vyumavyosena, pwevo. Pwevo; nambala seteni. Talenu? Jino, echi—echi chinapu kuwaha kumona vize vyuma.

<sup>50</sup> Kaha jino Ngunapolofweta ha kusoloka kufuma kuli Kalunga, mokomoko chimweno mu 1933, vyuma vya vitanu navivali naviya nakuoloka shimbu kanda lwola lwamakumishilo. Kaha chize, chimwe chachio, chili, “Mussolini, uze apwilenga nakwiza nakupwa mukakuyula mwaya muchima wenyi, ikiye mwaya nakupwa mukakuyula mwaya muchima wenyi; kaha nawa, ikiye mwakaya nakutuluka vaze vaku Ecopa nakutambula Ecopa; kaha ou Shipilitu, Ahanjikile, ‘ikiye mwakaya nakuholoka handalo ya muzuovo yenyi.’”

<sup>51</sup> Kachi kwapwanga vamwe vakumwaka vanasale lika muno mu Mbalaka, anukenu ngwahanjikile muze Muzuvo ya Redman kuno vene omwo twanangwile, kakavulu, myaka yayivulu kunyima. Kuliko umwe muno mu zuvo, ufuku uno, uze nasaleko kufuma kuze ku Zuvo ya Redman omwo Ngwapwilenga nakunangula, omwo vakiko vapwilenga na N.R.A. kuze, kunyima chikuma mulwola lwa Roosevelt lwola lwenyi? Ngwashinganyeka kakweshi numba umweko muno. Kuliko umwe? Yaa, yaa, umwe, kuliko umwe. Eyo, Pwevo. Iya Wilson, Ngunamwanuka. Pwevo lyami, natwame kunyima. Vavalu vasalileko, kulovoka muchisemunuino chamwaka mulize likumbi.

Chize, omwo vakiko ahanjikile echi N.R.A. apwilenga lusona lwa uze chisuma, Ngwambile ngwami, “Chuma cheka chauchi chakulinga; chauchiko. Luze lusona lwauze chisuma kanda nalwiza kunoko. Lukiko naluka lovoka kufuma mu Loma. Kaha kalweshi kupwa lusona lwa chisumako.”

<sup>52</sup> Kaha jino anukenu nge vyuma kana vize vahanjikile. Ambile ngwenyi, “Adolf Hitler mwaya nakwiza mujila yakuswemana. Kaha ikiye mwaya nakuvuluka jita mu United States. Kaha vakiko navaya nakutunga zuvo yayinene—na—na unonga wakukola, mangana vakiko vhase kuyoyelamo. Kaha hazevene ka America navaya nakupwa na kuvetewa chachinene, halwola kana.” Kaha yapwilenga Siegfried, myaka leveni shimbu kanda vaputuke kutunga. Kaha jino ambile ngwenyi, “Ooze ikiye mwakaya nakwiza kumakumishilo; kaha aze Mafuchi nawaya nakuwina jita.”

<sup>53</sup> Kaha jino ambile ngwenyi, chize, “Kuli maisms jitatu: Nazism, fascism, kaha communism.” Kaha Ngwambile ngwami, “Vakiko navaya nakupwa vosena mu communism. Russia nayiya nakuhsa, mu communism.”

<sup>54</sup> Kaha Ngwambile ngwami, “Kahajino sayasi yiya nakupwa chuma chachine, mutu mwaya nakupwa wautongwe, palanga nomu natungu vyuma vyavilu palanga no ikiye natungu miyawu eli nakusoloka nge liulu, ize nayiya nakupwa mwila halikiko, kaha navya nakutetekela kuli cheka keshi kungolo ja steering wheel.” Kaha vakiko vapwilenga na minyawu.

<sup>55</sup> Kaha Ngwambile ngwami, “Kahajino kulema cha ma pwevo jetu chili nakuya nakuholoka kuheta nahe seteko yayipi, palanga vakiko navaya nakupwa vakuvwisa sonyi kumafuchi osena. Vakiko navaya nakuvwala uvwalo wamalunga. Vakiko vali nakuya nakvwaloko palanga vakiko vanashikumuka nge kuheta na seteko yakuvwala uvwalo wakwishi, mukiko kaha. Kaha, makumishilo, vakiko navaya nakuya nakuvwala mafwo amikuyu.”

Kaha kachi namatalisa kanawa, mukakweji nahichi ngana mu *Life* magazine, vakiko vapwile na pwevo na vyale mafwo amukuyu. Kaha eyi ikiko ndeleji yaha chingoloshi, mokomoko chashi, vize veji kuvwalanga na chongoloshi; ya zwalala, unahase kumona nakusali, shina mafwo amukuyu akusweka kaha hamwe hamujimba wenyi; kaha twatwihi, mokomoko twakulamata, uvwalo wakusanyisa, helu lyacho, uli nakusolola mujimba. Kaha omwo vyuma kana naviya nakusoloka!

<sup>56</sup> Kahajino Ngwambile ngwami, “Ngwamono pwevo kwimana mu United States, nge mwangana wapwevo mokomoko chuma chimwe. Kaha ikiye apwilenga wamwaza kumutala, oloze wamupi mukachi ka muchima. Kaha ikiye alingishile kwenda cha lifuchi, kwenda mwaya kwenda chenyi.”

<sup>57</sup> Kahajino Ngwambile ngwami, “Makumishilo, Ikiye angulwekele yami kutala ku Mututuko cheka. Kaha, omwo Ngwalingile, Ngwamwene, kusoloka nge, omu chapwilenga, kaye kali nakutotoka. Kaha kutesekesa nge omu Ngwamwene, kachapwilenga chuma chekako shina mitondo, kaha—kaha malolwa kupulika mwomwo vanawa mwange kufuma hamavu.”

Kaha evi vyatela kusoloka shimbu kanda makumishilo akaye. Kaha vitanu hali vize vitanu navivali vinasoloka lyehi, muli myaka seti seli. Kaha ahajino, kukinduluka ku lwola lwamakumishilo!

<sup>58</sup> Kaha Ngunahanjika hali evi vilinga vyā vikungulwilo hano vene. Kaha hanga Nguchili lika nakufwelela, ufuku uno, nge chinapu chikopo chatunji, chize vanahake kuze ku majilo mangana muhingunukile majilo. Kangweshi kuhasa kufwelela nge Kalunga nahase kulinga chuma kana mu Liuka Lyenyi, mwomwo lyetela kusemuka chachihya mu Shipilitu wa Kalunga kaha jino kuchitomesa shimbu kanda kuchivuluka kupwenga Chenyi. Ou Mujimba wa mushipilitu wa Kulishitu, etu vanatujimika mu Ukiko nakujimika cha Shipilitu Wajila.

<sup>59</sup> Eyo, evi vilinga vyā mashima vili vene chitalilo chakukupuka cha chikungulwilo. Muthu wamangana atela kutala kanawa, kaha keshi kuhasa kwingilamo, mwomwo Kalunga nachinjikiza kuhichila mu visemunuino nge Ikiye ali nakole nachize kaha kanda lyehi azate navize. Kala lizavu... Kala lwola muthu mwakatuka na mujimbu, nge Luther, Wesley, mokomoko vyā ngocho, kaha Smith, na Calvin, na vakiko, omwo vakiko vaputukile lize lizavu, Kalunga ahakile vyuma vyosena hachitamba kaha kanda lyehi achitambukile mukuhizumuka.

<sup>60</sup> Tala kuhita mumijimbu yamwaka. Kanda lyehi kupwenga lwola Kalunga ambata lyehi chikungulwilo, nakutunga kuhizumuka kufuma muli chize, kwauchi. Kahajino, kuhita mumijimbu yamwaka kaha na Mbimbiliya, yenjikiza nge chili chaunyengwe kumeso a Kalunga, shikaho Kangwazangile chuma chekako chakulinga na echiko. Kaha omu mukiko Yami ngunafumbukila echi. Nguli nakweseka kufumisa vathu muli echi.

<sup>61</sup> Etu vanatusanyika, nge mu Isalele, shikaho chili na jino, kutala ku Isalele kupwa chitalilo. Vakiko, nge vakiko navatwama na uze Kaselwoke, vakiko vapwilenga kanawa. Oloze omwo vakiko vaputukile kulifulila vavene mashima, jijila ja kutunga kuvathu, kahajino Kalunga vasele hazevene. Ikiye mwaya nakulinga naetu mwomumwe. "Vakiko vanamukane Ikiye, uze Kaselwoke wa Meya akuyoya." Chize chikiko chapwilenga kuyayavalala cha Kalunga hali vakiko. "Kulinga chuma chimwe vakiko vanahase kuhanjika, 'Mwamono chuma muka etu twalingi!'"

<sup>62</sup> Jino, omwo lwola lwa—kutambuka cha Mose; omwo Kalunga, ha likoji, navahane lyehi vakiko kapolofweto, navahane vakiko Panda ya mulangi wa Kakahya kuya kulutwe lwavo, kaha nenjikiza Chize na vinjikizo na vikomwesa. Likoji lyanehele vyuma vyosena. Isalele hanga atonda, kumona lushimbi. Vakiko vakanyine likoji, nakumbata lushimbi.

Omukiko vene vanalingi vathu na lelo. Vakiko vanakane Lizu, nakumbata jijila ja vikungulwilo, mwomwo mujikiko vakiko vanahase kulinga kala chuma vakiko vanatondo nakuya navyo. Oloze enu kamweshi kuhasa kulinga echiko muli Kulishitu! Enu mwatela na kwiza utoma kaha zwalala, mangana kupwa muli Kulishitu.

<sup>63</sup> Kuseza lishima ly a kaselwoke, kupwa na vyuma vyakutunga kuli vathu mokomoko lishima, munahase kushinganyeka muthuumwe kulinga ngachize? Munahase kushinganyeka wongo museteko kana ya muthu kana uze nahase kunwa mu lishima ly a kaselwoke ututa, kaha mwaseza lize lishima ly kutunga kuli vathu na vizunda, na misulu, na mikondo, na vyuma vyosena mulikiko?

Kacheshi nakusoloka nge chamanganako, oloze omukiko kaha vathu vanalingi. Vakiko vanaseze Lizu, ou Kaselwoke wamuchano unapu kaputu wa Kalunga na Ngolo, na kunwana kufuma mu mashima, nakulitungila mashima vavene. Chochimwe nge omu vakiko valingile, vakiko vanachilingi nawa. Vakiko vanahanjika...

Ikiye ambile ngwenyi, “Vakiko vananguseze Yami.” Hano Ikiye ambile ngwenyi, hano mu Yelemiya 2:14, mokomoko 13, nawa. Ikiye ambile ngwenyi, “Vakiko vananguseze Yami, uze Kaselwoke wa Meya akuyoya.”

<sup>64</sup> Jino, etu twamono lize lishima. Etu twamono vyuma vyatwamamo. Etu twamono omu valitunga. Linapu ly kutunga kuli vathu chuma chize chakufuma kumajilo ahafulumba. Aze meya eji kuholokanga, kuveta hafulumba ya majilo, kaha eji kaha nakukosanga hafulumba, kuwahaka muze mu chimbwetengele chakutunga kuli vathu, kuhichila mumuyengo, kwngila mu tanki ya chuma cha kutunga kuli vathu. Kaha majilo osena kukungulukila muze, kaha vaze—vaze tututu, na misulu, na vimbotwe, na vyuma vyosena vya hamavu, nge ngachize. Kaha, talisenu, vakiko kanyama wamajilo; mikondo, vakungama muze. Mikondo kaveshi kuhasa kuyoyela mu meya atoma ko. Kachi mwalingamo, nawaya nakumujiha. Ikiye atela kutwama muze mwakukungama.

<sup>65</sup> Kaha omu mukiko kaha chili na ava vakakuyoyela hali vakwavo na lelo. Ove kaweshi kuhasa kuyoyela mu meya atutako a Shipilitu Wajila. Ou ukiko mulonga vakiko vemanyina mbe ha Lizu, kaha ahanjikile, “Echi chinalimbala na Chivene. Kakweshi chuma chimweko na Echi.” Chili mwomwo vakiko vapwile na kupwa na vyuma vimwe vyakufwanyisa na chijiva chakukungama nakulijingilamo muze. Vene.

Omukiko kaha chili na vizunda, na misulu, na mavwovela, na vya ngocho ngachize. Vakiko veji kujingulukanga kungenge ya chana mokomoko chijiva chakuseta meya, kuyoyelamo, mwomwo chikiko chisemwa chavo chakuyoyelamo.

Kaha enu kamweshi kuhasa kwalumuna uze kanyama kuvanga kwalumuna chisemwa chenyi.

Kaha enu kamweshi kuhasa kulingisa muthu kumona eli Lizu lya Kalunga kuvanga chisemwa chenyi vanachalumuna; kaha omwo chisemwa chenyi nge vanachalumuna kufuma omu ali, na kupwa mwana Kalunga, kaha Shipilitu Wajila, mweza nakwingila muli ikiye. Ou Shipilitu Wajila asonekele eli Lizu lya Kalunga!

<sup>66</sup> Lelo Ngwapwanga nakuhanjika na sepa lyami wamwaza, Ndotolo Lee Vayle, uze ali alimuno vene. Kaha ikiye echele kupwa mukakutanga vyakulifukula, kaha chikaho etu tuli vene vamwe—kupwa na kuhajinjeka cha mwaza ha Chisoneka. Wautongwe chikuma.

Kaha ikiye anguhulile lwola lumwe chuma Ngwashinganyekele ha chinjikizo cha Shipilitu Wajila, “Chapwile kuhanjika mumalimi?” Chinapunga mwaka yayivulu kunyima okwo.

Ngwambile ngwami, “Nduma; kangweshi nakumona chizeko.”

Ikiye ambile ngwenyi, “Chipwe na Yami nawa,” ambile ngwenyi, “chipwe Vangunangula ngocho.” Ikiye ambile ngwenyi, “Chuma muka ove unashinganyeka kupwa chinjikizo?”

<sup>67</sup> Ngwambile ngwami, “Chinjikizo chivene cha kukupuka Ngunahase kushinganyeka shina zangi.” Kaha shikaho etu twatela kuhanjikaho hali echii.

Kaha jino Ngwashinganyekele echii chinevwakana kuwaha shikaho Ngwakwachilila kuli chize, “Kachi muthu ali na zangi.”

Ooze likumbi limwe Mwata, mu chimweno, angwolwele. Kaha Ikiye ambile ngwenyi, echii, “Chinjikizo cha Shipilitu chapwilenga chavaze navatambula eli Lizu,” chipwe zangi, mokomoko kuhanjika mumalimi, ooze chinapu kutambula eli Lizu.

<sup>68</sup> Kaha jino Ndotolo Vayle apwile nakuhanjika kuli yami, nge, “Echi chinapu Chisoneka,” ikiye ambile ngwenyi, “mwomwo, mu Yowano 14, Yesu ambile ngwenyi, ‘Nge Ikiye Shipilitu Wajila neza hali enu Ikiye mwakaya nakusolola vyuma kana kuli enu, vize Ngwamilwekele, kaha mwakamisolwela vyuma navikeza.’”

Shikaho kuli chinjikizo chivene cha Shipilitu Wajila! Ikiye kanda lyehi angulweke yami kala chuma chakuhenga. Nge, “Chinapu chinjikizo cha Shipilitu Wajila, chili kuli ou mwafwelela eli Lizu.” Ove unahase kutambula Echi.

Mwomwo, Yesu kanda lyenyi ambenga ngwenyi, “Omwo Shipilitu Wajila mwakeza, enu namukahanjika mumalimi.” Ikiye kanda lyehi ambenga ngwenyi, ou Shipilitu Wajila mwakeza, enu namukalinga vyuma kana. Ooze Ikiye ambile ngwenyi, “Ikiye mwakaya nakutambula ku vyuma Vyami

na kumisowlavyo enu, kaha nakumisowlela enu vyuma kana navikeza.” Shikaho kuli chinjikizo chamwenemwene cha Shipiltu Wajila, kutesekesa na Yesu Lyavene.

<sup>69</sup> Shikaho vyuma vyosena vyakwivwa mumujimba na vyuma vathu vali navyo nakuyoyelaho, enu munahase kumona mwomwoika vakiko veji kuvalingilanga. Talenu, chineza nakupwa chikungulwilo, mokomoko chijiva chakukungama, kaha kakweshi kapwa chikungulwilo chakutungila ha kulifwa-...ha kukupuka cha Lizu lya Kalunga. Kalyeshi kuhasako, mwomwo kaweshi kuhasa kwinyika mokomoko kuheta Kalunga. Nduma, mwane!

<sup>70</sup> Mulonga chili ngana, enu mukwechi lizavu lya vathu vanahase kufwelela eli Lizu, kuvecha kuputuka lizavu. Chuma chatete munatela kutachikiza, mulwola lwa mwaka mwapwilenga lizavu lya Rickys muzevene lize kamwahashile kulinga nachimweko na chize. Vakiko vakwechile, kaha enu kamweshi kuhasa kulinga nachimweko hali chize. Kacheshi kuzata cha Kalunga ko. Kecheshiko, shikaho etu tunatachikiza nge chize chuma kana chamokomoko. Echineza nakupwa lishima, na kwiza nakupwa chihela muze wosena neza nakupwa wakulivwasana hali *echi*, *chize*, mokomoko chize *chikwavo*, kupwa na mamembala muze, mokomoko kwecha vathu kwiza nakwingilamo.

<sup>71</sup> Etu tunawane nge, eyi zachiso yaputukile lwola lumwe, kunyima mu makumbi a Vaisalele, omwo vakiko vapwilenga nakufula mashima. Kaha kuze kwapwilenga lunga na lizavu lya va Fwalisewu uze afulile mashima. Kaha vakiko vapwilenga na lunga wa lijina lya Helote, kaha ikiye apwilenga mukakuvilika, nguvulu ya lifuchi.

Kaha ikiye ejile nakwivwulila lunga uze kapwilenga nakulikata na vikungulwilo vyavoko. Ikiye apwilenga kapolofweto. Kaha kakweshi kapolofweto apwilenga nakala chuma na chikungulwilo, oloze achijinjile. Ou kapolofweto aputukile kuhanjika ngwenyi, “Kanda namuputuka kulivuluka mukachi kenu enu vavene, ‘Etu twapwa na Apalahama kupwa setu,’ mwomwo Nangumilweka nge Kalunga nahase kuli awa malolwa kukatulako vana va Apalahama.”

<sup>72</sup> Kaha vakiko vanehele vavo vavalemu mangana vamwivwulile. Kaha ou wamulemu ambachile pwevo lya ndumbwenyi kumufumisa kuli ikiye, na kumumbata. Kaha ou lunga kana atambukile nakumutala mumeso kaha ahanjikile ngwenyi ika? Vakiko vashinganyekele nge ikiye mwaya nakulivwasana, na kuhanjika, “Jino, mwane, enu, enu pwenu na chitwamo chamwaza chakutwama *haze*. Kaha enu mwatela kupwa na...Yami ngunawahilila enu kupwa hano nakungwivwulila yami lelo.”

Yowano atambukile kaha muzevene mumeso, kaha ambile ngwenyi, "Echi kacheshi mulushimbiko kuli ove kupwa nenyi." Chuma chatete ikiye ahanjikile, ikiye amutenukilile ikiye ha shili jenyi.

<sup>73</sup> Talenu, vikungulwilo veji kutanganga vijiva vya kukungama muze muli lunga nahase kupwa na pwevo, kaha vakiko mapwevo vanahase kutwalilaho, na kutewula jikambu javo, kaha kuvwala jiputula, kaha kalachuma cheka, kaha kulivuluka vavene kupwa Vakakulishitu.

Oloze Kaselwoke wamwenemwane, haleluya, wa Ngolo ja Kalunga, kavyeshi kuhasa kutwamamoko, mwomwo Navavishinjika. "Yami Kaselwoke wa kuyoya wa Meya. Vakiko vamusele Ikiye, kulifulila vavene mashima amwene."

<sup>74</sup> Jino, kaselwoke wa kuyoya wa meya, etu tunawane nge, kaselwoke wa meya akuyoya ika? Etu tunawane lishima chumamuka, jino kaselwoke wa meya akuyoya ika? Napu lishima ly a kaselwoke.

"Lishima ly a kaselwoke, chuma muka ech, Ndumbu walunga Branham?"

Linapu lishima lize lwola lwosena lyafuma kwishi na meya kushinjika. Lili na kuhingunuka lwola lwosena. Lyapwa ly a kulikafwa livene. Lwola lwosena atuta kaha atom, lishima ly a kaselwoke, kaselwoke wa meya akuyoya. Kalyeshi lyakufwa kaha lyakunguka. Lili ly a kuyoya, lyapwa lwola lwosena lyakwalumuka, kuneha chumachimwe chachihya lwola lwosena, nakutwalilaho, kwiza kufuma ku kaputu. Lyeji kukoka kufumisa kukaputu kufuma—kufuma kwishi, ech chinapu... hanga kaselwoke wa meya akuyoya nakumwanga. Kulitomesa; apwa atom, atomato, meya atom. Lyapwa lyakulikafwa livene; ove kawatela kuwandamina jivila kuzalisa ji tanki. Lyapwa lwola lwosena kumbwanda, nakuhana meya eyi awana. Enu kamwatela kutambuka, kuwaha wingisa, mokomoko kulinunga. Linapu kaha kaselwoke wa meya akuyoya.

<sup>75</sup> Munatachikiza, enu namumbata awa mashima amwaka, enu mwatela kuwachofwa na kuwachofwa na kuwachofwa, na kushinjika na vyuma vyosena, kumbata chindende meya akukunguma. Huu!

Oloze Kaselwoke wa Meya akuyoya Eji kuwahanga, awana, chakuseneka kuwashinjika, kulinunga, kalachuma cheka. Mamalelo, Ngunawahilila hali ou Kaselwoke! Eyo, mwane!

<sup>76</sup> Kalyatonda lunyungoko kuli Kiko, nakufumisa tututu. Mwomwo, Lyeji kwisanga nakukuluka, muze mu Lilolwa, palanga kamweshi numba tututu ko.

Kalyatonda kupwa nashikola hali Kiko, ech chakwoloka, kuzata cha kaye cha kutunga chinyingi cha kutunga na vikungulwilo; kukulweka, kumeso atala vakakuzaluka, chipwe

ove uli wakutelamo kunangula mokomoko nduma. Kalya tonda awa mahina amashijiloko kusuka kuli Likiko. Liliko linahase kulishinjikaho haze vene naulihakaho. Enu kamweshi kuhase kuchilingako. Lize lishima kana lyeji kupwata, lwola lwosena. Enu munahase kuhaka awa mahina halikiko, naliya nakulimbila kusali yimwe mokomoko kusali ikwavo. Kalyashi na lwola lwa lilambu lya chikungulwilo halikiko.

<sup>77</sup> Kalyatonda lunyungo ko, chikamwiso, kalyeshi nakutonda kushinjika, kakweshi kulinyikisa, kweshi chuma chekako. Lyapwa kaha vene muze, nakupwata. Kalyakundamina ha jivila jimuzalisa. *Jivula jinapu* “kuhizumuka,” kuze kuli uze Kaselwoke... Uze ikiye Kaselwoke wa Kuyoya. “Kuze kuli Chivimbi, na makuvu kukiko navakungulukila.” Ove kawatela kutumbuka kupwa kuhizumuka; ove kawatela kumbukilamoko. Chumakaha ove watela kulinga shina kwiza ku Kaselwoke. Lwola lwosena lyapwa lya kuzala na kuwaha, meya atuta, kaha kalyeshi na makumishilo kuli Kiko. Lyeji kutwalilangaho kupwata.

<sup>78</sup> Enu kamwatela kuya ku lishima lya kutuvika, kaha kuhanjika, “Chamwaza, kachi nakunoka vula na kukosa chisete, etu natuya nakunwa.” Tala? Yami, yami! Keshi echiko. Lize lishima lya kaselwoke lili nakumwanga kuwaha, meya atuta lwola lwosena. Enu munahase kukundamina halikiko. Enu kamwatela kuhanjika, “Chamwaza, Nanguya kuli lize lishima lya kutuvika lya mwaka. Etu twapwilenga nakunwa kufuma muze, oloze kakwanokele lwola lwalusuku. Nangumilweka, kunahase kupwa kwachau.”

<sup>79</sup> Muze mukiko mujila vyuma vimwe evi vya kutunga kuli vathu vili. Ove mwingilamo, kachi enu muli nachumachimwe chachinene kupwa nakutwalilaho, kupwa na chikungulwilo chachinene cha kulanjisa chumachimwe, mokomoko—mokomoko vyuma vimwe kutwalilaho, kuliwana chashinene na vyuma vimwe kutwalilaho, kuhemba cha mulavalava, kaha kuliwana cha jinguja, kaha vyuma vyosena, enu munawane zuvo yakuzala.

Oloze kwosena namuya kuli Kaselwoke ali nakupwata, lwola lwosena, vathu vali kupwa vamwaza, kunwa meya atuta. Enu munahase kukundamina hali Kiko! Hanjika, “Vakiko kavapwile nakuhizumuka ha myaka likumi.” Kachi enu namuyoyela hali uze Kaselwoke, Ikiye lwola lwosena namupwanga na kuhizumuka nakutwalilaho.

<sup>80</sup> Nge omu ahanjikile wamundende Welshman. Mokomoko, lwola lumwe omwo vakiko vapwile na kuhizumuka cha Welsh kutwalilaho, kuze kwapwilenga vavalemu vamwe kufuma ku States. Vamwe hali ava Mandotolo ja Ukalunga vayilenga ku Wales, nakuwana kuze na chuma mukachapwilenga. Shikaho vakiko vapwilenga na makola akwalumuna, na matepa

akutengeka, kaha vakiko vapwilenga nakutambuka nakuya mujila.

Kaha hano kwejile kapokola wamundende, na kujinguluka na mulamo wenyi mulivoko, oku ali nakwimba muloji, “Kukulusu kuze Mulwilo wami afwile, kuze vene kulikutomesa kufuma ku shili Ngwatambakanyine; kuze va kwichile Manyinga ku muchima, upahu ku Lijina Lyenyi,” kutambuka nakuya mujila.

Shikaho vakiko vambilengwa, “Echi chinasoloka kupwa nge muthu mukakulifukula. Etu natuya nakumuhula ikiye.” Kaha vakiko vambilengwa, “Mukulwane!”

Ambile ngwenyi, “Eyo, mwane?”

Ikiye ambile ngwenyi, “Etu tuli hano kufuma ku United States. Etu vanatatumu. Etu tuneza kuno tusondwese kuhizumuka cha va Welsh, ocho vavuluka. Etu twapwa va Ndotolo va Ukalunga, kaha tuli kuno mangana tuchitale kanawa.” Ikiye ambile ngwenyi, “Etu twatondo kutachikiza kulihi kuli chize kuhizumuka, kaha chili kulihi.”

Ikiye ambile ngwenyi, “Mwane, enu munahete. Yami kuhizumuka cha Welsh.” Amena! “Kuhizumuka cha Welsh chili muli yami. Hano hakiko chili.”

<sup>81</sup> Eyi ikiko jila nge ove uli nakuyoyela ha Kaselwoke wa Meya akuyoya. Ali wakuyoya lwola lwoesena, kuvweluka lika na lika, kaha lika na lika. Kakweshi makumishiloko kuli Chize. Keshi, “Yako ukatale nge kuli meya, kachi etu twapwanga na vula hano kunyima okwo,” keshi ngochoko. Napu uze Kaselwoke wa Meya akuyoya. Nge muze Ngwambanga, Eji kuhana Meya Eyi awana.

<sup>82</sup> Ove kawatela kuhakako mahina kuli Ikiyeko, umone nge; mahina ashikola, shimbu kanda umutume ikiye kuya nakunangula, kaha kutala kachi ikiye mwafumisa mazu kanawa, mwawahanjika kanawa, kachi ikiye ej i kuzachisa mazu na mwakuwahinjikila, na vyangocho, kaha nakuwahlwisamo. Vavavulu muli vakiko kavatachikizako vapwa veya, oloze ikiye ali Kaselwoke wakuyoya mwomumwe, talenu, chochimwe.

<sup>83</sup> Kakundamina ha jivila jamungalilako, kuzalisa, mokomoko kuhizumuka chamungalilako, mangana likiko. Likiko kalyalinga ngachizeko, mwomwo ngolo jacho na kutoma chachio chili mulichivene. Mukiko muli Lizu, Ngolo Jacho Jivene! Nge muthu Mwajitambula mu muchima wenyi, Likwechi kutoma Chachio. Likwechi ngolo Jacho. Lili lya kwoloka mu Lizu lyacho Livene, kuneha Kuyoya.

<sup>84</sup> Isalele mwaya nakufumako ku Lilikiko, vakiko navaya nakupwa muukakalu. Lwola lwoesena vakiko navafuma kuli Kiko, vakiko navengila muukalu.

Chochimwe nge etu natulinga jino. Omwo chize kuhizumuka nachifuma kuli Chize, kahajino cheshi kupwa chamwaza

ko. Lyeji kulifula livene, kaha, mokomoko mashima amwe akutuvika, kaha na ngocho.

<sup>85</sup> Oloze Ikiye lwola lwosena apwilenga nakuvakafwa. Chize kuyayavala haze ha Kalungalwiji Uchila, jino omwo vayayavalile... Ohonyi, muli vyosena vize, Ikiye ashikile, avashikile lushiko. Ikiye atetele kuvakindulwisa kunyima, mujila natuya nakutala hali chize; oloze Ikiye ashikile kuvazawisa.

Chuma muka Ikiye alingile? Vaze vana va Isalele, Ikiye avahanyine Panda ya mulangi wa Kakahya na vyuma vyosena, kupwa kwinjikiza, kapolofweto kavo. Kaha vakiko avatwaminyinyine nakuvatwala ku kalungalwiji. Kaha, lwola lwosena, kwapwilenga ukalu hali Chize. Kaha nomu vejile Fwalo na maswalale jenyi. Kaha munatachikiza chuma alingile Kalunga? Ikiye asokolwele uze uchila, lishima ly a kukungama.

Uze Kalungalwiji wa Kufwa apwile umwe wakufwisa mukaye kosena. Ali vene wakufwa. Apwa wakukungama. Kwekweshi chuma nachiyoyelamo.

Kaha Ikiye asokolwele na kuvecha vayenga, kusali ikwavo. Ikiye avambachile vakiko kuvatwala kuze kaveshi kukavakasa chekako na chuma kana cha ngachize.

<sup>86</sup> Muze mupambo, vakiko vawanyine jitanki kajapwile jakukundaminako; jikiko japwa jachau. Kawanenu, vakiko vayilenga kufuma muwina umwe wa meya nakuya mukwavo. Omwo vakiko vapwilenga muze mupambo, vakiko vapwilenga nakufwa nazala, hakutonda meya. Kaha vakiko vapwilenga nakuya kuli ize tanki yapwile kuze, chijiva; yapwile yaumu. Vakiko vayile kuchihela chikwavo; lyapwile ly a chau. Vakiko vahone numba kushinganyeka nge nakukapwa numba meya akunwa.

Kaha jino kuchihela chize chakuzeneka kupwamo mulikundu, vakiko vawanyine meya. Apwile ku lilolwa. Apwilenga ku lilolwa. Chihela kana chize muthu keshi kuwana numba meya, mu lilolwa lyamu mukachi ka likundu. Oloze, munamono, Kalunga eji kulinganga chuma vya ngachize. Mu chihela chakuzeneka, mu jila yakukomwesa. Mukiko etu twapwa lwola lwosena.

<sup>87</sup> Vakiko vashinganyeka nge enu mwatela kupwa na chikungulwilo chachinene, kupwa hamwe, na kuwecha osena kwiza hamwe na kupwa na chikayo chachinene kuno, kaha shikaho na vya ngocho, kaha kupwa na masauzande kulinunga, kaha na vyosena nge *ngachize*, numba kupwa na kuhizumuka.

Lwola lumwe Kalunga eji kumbatanga mukweze wamundende nahono numba kutachikiza AEIOU, kaha mukachi kalizavu lyava vathu vakuhono kutanga vanahono kutachikiza livoko ly a chilyo kufuma ku chimoswe, Ikiye nahase kukatula kuhizumuka chize nachiya nakunyikisa kaye. Ikiye

achilingile mulwola lwa Yowano. Ikiye achilingile mu lwola lwa tupolofweto. Naumwe pimbi, nge omu tunatachikiza, apwile wakutanga, oloze Kalunga ahashilenga kukwata vakiko na kulinga chuma chimwe na vakiko.

<sup>88</sup> Muli eli Lilolwa mwejile nakufuma meya. Ikiye apwilenga Lilolwa. Kaha Ikiye ahanjikile ku Lilolwa, kaha vatela kuliveta. Kaha Ikiye ahanyine kulisala cha meya atoma, atuta, akuzeneka majilo kuli kala muthu aze vanahase kunwa. Ikiye alwilile vosena vaze vanahase kunwa kufuma muli Lize. Akwendela hamwe na Yowano 3:16.

*...Kalunga azangile vakamavu, kaha vahanyine  
Mwanenyi umwe kaha lyamunwe, . . . mangana wosena  
mwafwelela hali ikiye akazeneka kunonga, oloze akaye  
nakupwa na kuyoya cha haya myaka,*

<sup>89</sup> Kalunga avetele lize Lilolwa, kuze ku Kavali. Kusopesa chetu chapwile hali Ikiye, nge kufuma hali Ikiye numba ezenga Shipilitu wa Kuyoya uze mwakuhana ove na yami Kuyoya cha haya Myaka. Chize chinapu chishimo cha kukupuka hali Echi, chapwilenga mupambo.

<sup>90</sup> Vakiko kavapwilenga na chijivako, chakufula, chakushinjika, mokomoko kalachuma; shina kupwa wakutambula kaha kujila Yenyi, chawana. Omwo, vakiko kavatelele kufula chijivako. Vakiko telele kuhingunuinamo meya na mbaketi ko. Vakiko kavatelele kufumisamo na mukovocho. Vakiko vapwile kaha vakutambula kuli likiko.

Kaha mukiko kaha vapwile jino. Munatachikiza kawatela kulinunga kuchumakanako. Ove kawatela kuya kuze ku kamenga na kuzata chumachimwe ko, kuwashijika. Ove kawatela kuhanjika lizu cheka na cheka na cheka, palanga ove mupwa na chimbanganyi cha lilimi. Chuma kaha ove watela kulinga shina kutambula kuli Ikiye, chawana, mujila ya Kalunga. Kakweshi vya kushinjika, kakweshi kushinjikako, kakweshi chuma chimweko; shina pwako wakutambula Ko, chawana. Kakweshi chuma enu mwatela kulingako; shina kutambula Ko. Mukiko kaha, fwelela kaha Echi. Mukiko kaha Ngunahase kuhanjika echii.

Vakiko kavalingile chuma nachimweko hali chize. Kavafulilenga ko. Vakiko kavayilenga na kuze nakulila ufuku wosena, hali chize ko. Vakiko vejile nakupwa vakutambulako kaha; valivetele lyehi kaha lyakulizanga lyehi. Echi chakwoloka.

<sup>91</sup> Nguli nakutala hali ou muthu jino, natwame aha kunyima mu kapete kuno. Ngunanuka kumulweka chize, chize chisete chamwaka likumbi limwe, hali ha chize chambwa.

Kaha ikiye ambile ngwenyi, “Oloze Kangweshi wamwazako.”

<sup>92</sup> Ngwambile ngwami, “Ngunatachikiza nge kaweshi kanawako.” Kaha Ngwambile ngwami, “Kangweshiko vene, mwosena.” Oloze Ngwambile ngwami, “Ove uli nakutala omwo ove wapwa. Kaha echa kutala ha vize ove unahase kupwa, kaha tala hali omwo Ikiye apwa.”

Ikiye ambile ngwenyi, “Kachi Ngunahase kaha kufumisa awa makanya, Ndumbu walunga Branham, Nguna—Nguna—Ngunahase kupwa Mukakulishitu.”

<sup>93</sup> Ngwambile ngwami, “Kanda kuwafumisako. Ove uli nakweseka kumbata kuwaha kahajino nakwiza kuli Ikiye. Ikiye kanda lyehi ezenga na kulwila muthu wamwaza; Ikiye ejile nakulwila muthu wamipi vaze valitachikijile kupwa vapwa vavapi.”

Ikiye ambile ngwenyi, “Chamwaza . . .”

Ngwambile ngwami, “Ivwulilenu, ove kawazangile kuya nak hetese, nyi chiku?”

Ikiye ngwenyi, “Nduma.”

<sup>94</sup> Ngwambile ngwami, “Chamwaza, ove kawatela kulinga ngachizeko. Ikiye afwile mangana uhono kuya.”

Ikiye ambile ngwenyi, “Chuma muka Ngwatela kulinga?”

Ngwambile ngwami, “Chauchi. Chili kaha chachashi.”

Ikiye ambile ngwenyi, “Oloze kachi Ngunahase kuli echi . . .”

<sup>95</sup> Ngwambile ngwami, “Ove uze, kukinduluka cheka ku makanya cheka. Echa kushinganyeka hali likanya. Anukenu kaha, mushinganyekenu Ikiye, chuma Ikiye alingile, chuma Ikiye apwa; keshi omu wapwa ove ko. Ove kaweshi wamwazako; kaha kanda lyehi upwe wamwaza, kaha kaweshi kukapwako. Oloze, kuvanga omu Ikiye apwa, Ikiye Umwe kaha!” Kaha Ngwambile ngwami, “Jino, chuma chimwe kaha ove watela kulinga; kachi Ikiye ambachile chihela chove kuze, ove watela chakufuma kumuchima kwitavila Ikiye chize alingile. Chuma kaha ove watela kulinga shina kuchitavila.”

“Mwomwoika,” ikiye ambile ngwenyi, “echi chachashi. Nanguya nakuchilinga.”

<sup>96</sup> Ngwambile ngwami, “Kakalwiji aka kali hano.” Talenu? Ngwamunehelo ikiye kuze kaha naku mujimika mu Lijina lyu Yesu Kulishitu.

Vathu jenyi vamwe vanatwame na muno, kaha Nguna—Ngunatachikiza vakiko vangusehele yami ha kulinga chuma kana, oloze Ngwatachikijile chuma Ngwapwile nakulinga. Ngwamwene muli uze lunga chuma chimwe chapwilenga cha mwenemwene. Ngwachimwene muze, kaha Ngwamumbachile ikiye kaha naku mujimika mu Lijina lyu Mwata Yesu.

Kaha, omwo twalingile ngachize, kahashimbwileko chikuma palanga nomu Ngwayile kuzuvo ya mwanenyi. Etu twamwene nge—nge chimweno cha mutondo kuhokoka ha chihela chimwe, kaha uze lunga aholokele, kuheta nahaseteko ya kusaka kuhokoka nyima. Vamutwalile ku chipatela. Kaha uze ufuku Mwata achisolwele, kuli yami, chize chapwile makumishilo a makanya.

Shikaho likumbi likwavo ikiye atondole makanya amwe. Ngwambile ngwami, “Nanguya nakumulanjila kachimbokishi kosena na kumuhana. Enu katalenu kaha, makumbi eyi akunwa anakumu.” Ikiye kanwa chekako kufuma haze, kaha kawatonda chekako kufuma haze. Kalunga!

<sup>97</sup> Talenu, chuma chatete enu mwatela kulinga shina kwiza ku Kaselwoke. Enu mwatela kwiza ku Meya, kutachikiza nge kwauchi chuma ove mulinga. Shina kaha chize Ikiye akulingilile. Ove kawatela kufula; ove kawatela kushinjika; ove kawatela kuvanga weche *echi*; ove kawatela chatete kwacha *chize*. Chuma chimwe ove watela kulinga shina yako kuze na kunwa. Mukiko kaha. Kachi ove uli napwila, nwako!

<sup>98</sup> Jino, Ikiye apwilenga lize Lilolwa. Kalunga amuvetele Ikiye mwomwo yayetu, kaha Ikiye ahanyine meya akulisala atom, akuzeneka majilo. Ikiye achilinga lyehi, lelo, kuli wosena mwaya nakufwelela. Eli linapu likoji Lyehi, mukiko vene, kuli vathu Jenyi, na etu.

<sup>99</sup> Kuli chuma chimwe nge ngachize, nge omu vali vathu lelo, vakulizanga kutambula vyuma vakiko vanahase, oloze kawatela kuhana numba kumufweta kala mulimoko. Isalele apwile wakulizanga ku—ku kunwa kufuma kuze ku lilolwa jino, oloze vakiko kavatondele kumuhana Kalunga mulimo Wenyi nge omu chapwa kuli Ikiye ko.

<sup>100</sup> Kaha Ikiye lwola lwosena kutuhana mulimo. Munatachikiza, etu katweshi kuhasa numba kuhwima chakuzeneka Ikiye ko. Etu katweshi kuhasa kuhwima chakuzeneka mulimo wa Kalunga ko. Omu mukiko etu twakundamina hali Ikiye. Kaha, oloze, echi cheji kutuhetesa kutulungisa etu kupulika havali kachi nge natweseka kulinga, kumulingila Ikiye chuma chimwe. Ikiye ej i kutulomba etu kulinga chuma chimwe, yako kamono muthu umwe, yako kalombelele muthu umwe, yako kakafwe muthu umwe, echi chinahase kutupula etu, hakulinga echi. Oloze etu katwatondele kulinga kala chuma kuli Ikiye kumuzachilako.

<sup>101</sup> Ikiye kuyayavala chapwilenga, “Vakiko vananguseze Yami, eli Lizu; kaha vanetavila lishima lya kutuvika, muchihela cha yami. Kwitavila . . . Vakiko vananguseze Yami, uze Kaselwoke wa Kuyoya, uze Kaselwoke wa Meya a Kuyoya; kaha vakiko kufwila kaha vanazange kunwa mu lishima lya meya akwimana hamwe.” Shinganyekenu chize?

<sup>102</sup> Shinganyekenu muthu jino, nge, *hano* hali lishima ly a kaselwoke lili nakulovola kaha meya amwaza, meya apemba, ali nakufuma mukachi ka muchima wa malolwa, kufuma kwishi ya usekulula, na vya ngocho, atuta kaha amwaza nge omu chinahase kupwa; kaha hikuya nakunwa mulishima muze, lize linazale na meya akufuma kuchisete, kaha visambwe, na jizuvo josena muchihela chize? Kaha nakuwahaka muze mu chisete, kuze kukwechi meya akufuma muchana nakuhingunkila muze, kufuma mu chisete, vize vipalapala na vimwila, kaha vyuma vyosena kuhingunkila muze mu lishima, kaha jino etu twatondo kwitavi-... kuya kunwa muze kuseza kuya mu lishima ly a kaselwoke? Kaha kuli chuma chimwe chinahenge muwongo na uze muthu. Echi chakwoloka.

<sup>103</sup> Kaha omwo lunga mokomoko pwevo mwaya na kuzaminyina ha chikungulwi lo kupwa hawimanyino wenyi, navaya nakwitavila kutewula, kuvwala jiputula, kulilengulula mweka, na vyuma vyosena vya tuyachi ngana, kaha vyuma vimwe vyavindende nge—nge kwala chimwe, na evi vili nakutwalilaho, kaha vanahase na kuya kuze kwakuhemana, na—na vize vyakuzeneka mangana, kaha nakupwa navize vya ngachize; kaha ngachize kuhambakana vapwenga na Lizu ly a Kalunga ly a mwaka lize lili nakuvatula nakutaka, kaha kulingisa mwapwevo vakalemesa kufuma muupwevo, na kupwa nakuvavwalisa kanawa nakulinga vilinga vya mwaza, kumbata misanga na makanya, kaha kulishinga na kushinga, na kwonga na kwiva, kuchifumisa muli enu, kaha kaye kosena kukafumisa muli enu, kaha kumihana enu Chuma chimwe chize chili chakukupuka na kusuwulwisa. Mwomwoika malunga na mapwevo navaya ku chuma kana kupwa chakusuulwisa? Nauya ngachilihi nakusuwuluka na chize?

<sup>104</sup> Nauya ngachilihi nakwivwa kututa nge uli nakunwa mulishima ly a meya akuseta hamwe? Mwomwoika muthu... Kachi nge muthu mwaya ku lishima ly a meya kuseta hamwe na kunwa, ohonyi lishima ly a kaselwoke nasokoloka, ove muya nakuhanjika, “Kuli chuma chimwe chinahenga nawongo wauze lunga.”

Kaha kachi pwevo mokomoko lunga mwaya ku chihela kana nakuwana kusuwuluka, kaha kuli chuma chimwe chakuhenga mushipilitu na uze muthu. Vakiko kavazangile eli Lizu ko. Echi chinasoloka nge chisemwa chavo chichili lika nge chizunda, mokomoko livwovela, mokomoko chumachimwe, echi chakwoloka, chuma chimwe cha chisemwa nge ngachize chijiva cha meya akuseta, mwomwo vakiko va tuyachi kana kaveshi kuhasa kuyoyela mu Meya amwazako. Vakiko kaveshi kuhasa kuchilingako; anapu meya Atuta. Vakiko kaveshi kuhasa kuchilingako.

<sup>105</sup> Jino, kuyayavalala chapwilenga, “Vakiko Valisele.” Kaha lelo vanalingi chuma chochimwe.

Jino tala hali uze pwevo haze ha lishima. Chamwaza, ikiye ejile ku lishima lya Yakova, kaha ikiye mukiko napunga nakuswitanga meya lwola lwosena, lishima lya Yakova. Oloze lishima lya Yakova, chikungulwilo, etu tunahase kulivuluka ngocho, mwomwo ikiye awafulile muze atatu; kaha eli nalikiko nawa ikiye alifulile. Jino, ikiye apwilenga mujimbu waunene. Ikiye ambile ngwenyi, “Jino, kakuluka yetu afulile eli lishima, Yakova. Ikiye anwinenga muli eli, na vangombe jenyi, kaha na vyuma vyosena. Chize kachapwilenga chuma chamwazako?”

<sup>106</sup> Ikiye ambile ngwenyi, “Oloze meya naunwa akufuma mulikiko, ove mukevwa cheka lipwila, mukakindulukanga lika kuno. Oloze,” ambile ngwenyi, “awa Meya Nangukuhana ove anapu Kaselwoke, Kaselwoke wakufumisa meya kufuma mukachi, kaha ove kaweshi kezanga kuno Ko. Echi nachipwa kanawa na ove.”

<sup>107</sup> Tachikizenu. Oloze omwo ikiye atachikijile nge echinapu Kaselwoke wa Chisoneka chinahanjika kuli ikiye, ha chinjikizo cha Chisoneka chize napunga nakutalilila, ikiye asele ize zachiso ya chikungulwilo ya Yakova kaha kakindulukile cheka kuze ko, mwomwo ikiye awanyine Lilolwa livene. Talenu? Ikiye alahile nakuya mu mbongi. Ikiye akumishile shili. Ikiye kapwile cheka pwevo wa majilo chekako. Ikiye ambile ngwenyi, “Twayenu, mutale Ou Ngunawane, Lunga Ou nangulweke vyuma Ngwalinga. Kumana Ou keshi ikiye Kulishitu ko?” Ikiye... Lize lishima linahase kupwa cha kwoloka; linazate mulimo wacho. Jino ikiye apwilenga ku Kaselwoke wa muchano. Lize lishima linapunga lya kwoloka palanga nomu Kaselwoke wamuchano asokolokele. Oloze omwo uze Kaselwoke wa muchano ejile, lize lishima lyajimbalishile ngolo jacho. Ikiye awanyine chihela chambwende cha kunwina.

<sup>108</sup> Kaha kuli chihela chambwende. Kuli chihela chambwende, kaha chili muli Kulishitu. Muli Mukakujila Yowano 7:37 na 38, Yesu ambile ngwenyi, kusongo ya chilika cha jimbala, “Kachi kala muthu vwevwa lipwila, echa ikiye ezenga kuli Yami, kaha anwenga.”

Vakiko vosena vapwilenga na kuwahilila. Vakiko vapwilenga na natumeya twatundende twapwilenga nakufuma mu kamenga, kaha—kaha kuze vakiko vapwilenga nakunwa kufuma muli echinapu, mu kuwahilila, cha—cha chilika. Kaha ambile ngwenyi, “Va kakuluka jetu vanwinenga kufuma ku lilolwa lya kushipilitu muze mupambo” Talenu, vakiko valifilikile vavene lishima, amwe meya akulijingila hamwe vakiko akufuma kumwe, kaha kulovoka muze kwishi ya tembele. Kaha vakiko vayilenga nakujinguluka kuli aze meya na kunwa, kaha kuhanjika, “Myaka yakunyima, va kakuluka jetu vanwinenga muze mupambo.”

Yesu ambile ngwenyi, “Yami lize Lilolwa lize lyapwilenga muze mupambo.”

Ambile ngwenyi, “Etu tweji kulyanga mana yakufuma Mwili, kaha Kalunga ayinokesele.”

<sup>109</sup> Ambile ngwenyi, “Yami ize Mana.” Ikiye, uze Kaselwoke, emanyine mukachi kavo. Ize Mbolo ya Kuyoya yemanyine mukachi kavo.

Kaha chochimwe vakiko kavatondele Chizeko. Vakiko vazangile mashima avo; mwomwo, muthu nalingi *chize*, kaha Kalunga natumu *Lize*. Lize lyapwilenga chakuhandunuka. Kulifulila vavene mashima!

<sup>110</sup> Ikiye ambile ngwenyi, “Kachi kala muthu mwevwa lipwila, echa ikiye ezenga kuli Yami, kaha anwenga.” Ikiye uze Kaselwoke.

Kaha nge omu Chisoneka chinahanjika, “Kufuma mulijimo namukalovoka Meya a kuyoya.” Mamalelo, Ikiye lize lishima lya kaselwoke! “Kulovoka kufuma mujimo, mokomoko mukachi, namukalovoka Meya akuyoya.”

<sup>111</sup> Ikiye apwilenga lize Lilolwa, lize lyapwilenga mu... Lize lyapwilenga Lilolwa lya Hagar, mu lwola lwa ukalu; omwo kemba yenyi apwilenga himwafwa, omwo ikiye vamufumishile muchilombo, kaha alovokele nauze kanyike Ishmael. Meya eyi, muze mulishima lyenyi ikiye apwilenga nakunwa nenyi, anakumu. Kaha ikiye atulikile uze kanyike Ishmael hamavu; kaha atambukile, katunda chindende, kaha alilile, kaha, mamalelo, mwomwo ikiye katondele kumona kufwa cha mwanenyiko. Kaha haze vene, uze Kangelo ka Yehova ahanjikile, kaha ikiye awanyine Beer-...Beersheba, lize—lize lishima lyapwilenga nakuhita, kaha hanga lyahita na lelo. Ikiye apwilenga Beer-Beersheba wa Hagar, Lilolwa muze mupambo.

<sup>112</sup> Lyemanyine kuze mu Kaselwoke wa kuzala na Manyinga, likumbi lize, kwimana muze mu tembele. [Ha tepu hapimbi—Muka]...lwola lwa nyamanganda. Mu Zakaliya kapetulu 13, Ikiye apwilenga uze Kaselwoke wakusokolola muzuvo ya Ndavichi, wa kutomesa, kaha waha (shili) kukosa shili. Ikiye apwilenga uze Kaselwoke. Kaha mu Jisamu 36:9, Ikiye apwilenga Kaselwoke ka Ndavichi wa Kuyoya. Ikiye hanga uze Kaselwoke muzuvo ya Ndavichi.

Kaha Ikiye apwa mukakwimba, mumuchima wenyi. Mukakwimba ambile ngwenyi:

Kuli Kaselwoke wakuzala na Manyinga,  
Wakufuma kumishisa ya Emanuwele,  
Omwo vakashili navengila mwishi ya livaji,  
Hikujimbalisa mapenga ajishili javo josena.

Ikiye napu uze Kaselwoke wa Kuyoya, Kaselwoke wa Meya. Ikiye napu lize Lizu lya Kalunga.

<sup>113</sup> Vathu vamakumbi ano vanahungu Ikiye, lize Lizu ly a muchano, Meya a Kuyoya; kaha vanalifulila vavene mashima achikungulwilo; kaha, cheka, vanafulu, kufula!

<sup>114</sup> Kaha jino etu tunawane, vakiko vapwilenga na mashima akutuvika. Kaha jino eli lishima linazale na tututu vakuzeneka kufwelela, kulivwimba cha kuzeneka kufwelela, kwala cha kutanga, kaha na vyangocho, echu chinapu chakulimbalaka na jishiko ja Kalunga. Vakiko vanapu vakukakasana Lizu.

<sup>115</sup> Jino, awa mashima awa vakiko vapwilenga nawo, eyi Mbimbiliya ngwayo, apwilenga “akutuvika.” *Akutuvika* lishima lili na “kuhita” lishima, kaha lili nakulovoka. Chuma muka lili nakulinga? Lili nakuya nakupwa chimbwetengele cha kulifukula vavuluka nge Kasulu ya Liuka ya Mukaye. Kaha muze mukiko muli lishima ly a kutuvika lili nakuvatwaminyina, vyosena mwomwo vakiko vanakane Ikiye, na kupwa na . . . uze Kaselwoke wa Meya akuyoya; kaha nakutunga awa mashima.

<sup>116</sup> Kufula jijila ja kutangila ja kutanga, kutanga, na vyangocho. Aze akiko miyachi ya kufula chiliko lelo, uze lunga atela kupwa na Ph.D., mokomoko na LL.D., mokomoko Bachelor of Arts, mokomoko chumachimwe, shimbu kanda ikiye ayenga nakunangula. Mashimaaze anazale na kutanga chauthu. Vakiko vavatwalile kumashikola amanene apuho akutangila, kaha muze vakiko vanengisamo kutanga chauthu, kaha vakiko hikuvaluma ngachize vene. Likumbi kana etu tuli nakuyoyelamo, mashima akutunga kuvathu! Naukalu wauchi. . . Shikangaho chuma kana chineze nakupwa ngachize cha—cha kunuka, mamalelo, yami, chili mwomwo vathu vanwine kufuma muze.

<sup>117</sup> Kaha omwo vathu navatonda kuwahilila lelo, navalinga chuma muka? Ava vathu, kachi vetavile kuwahilila cha Mwata, vakiko navalumukila kushili, kupwa kuwahilila. Vathu vaze veji kuyanga kuliuka na kulivuluka kupwa vangamba ja Kulishitu, omwo vakiko navapwa nakulizakamina vakiko navaya nakumwinyika musanga. Kaha omwo vakiko—omwo vakiko navatonda ku—kupwa na kuseha, navavilamika ha uvwalo wavo waujila kaha kuya nakukamba mwila omwo lunga alinakuya, nakuvatwala nakusongo vosena. Vakiko valingile vyuma vyosena mangana kupwa na puho. Vakiko vatondele kusoloka nge vatanganyika vakutambuka. Chize chikiko kuwahilila chavo.

Omwo, Yesu ambile ngwenyi, “Yami vyavo vyosena.”

Mulonga vakiko navaya kuze, mwomwo vakiko kavazangile kunwa kufuma muze mu Kaselwoke. Vakiko vanalumuka nakukana Echi. Vakiko kavatondele kunwa kufuma muli Chizeko. Vakiko veji kulinunga vavene kuchuma cha muyachi nge jijila ja kutunga kuvathu, vyu muyachi nge lishima lize linazale na vyuma vyemana kaha, vize vakiko navaya kaha.

<sup>118</sup> Zau, etu twapwanga na vanyike kuze ku kalwiji. Ngwafwelela lyapwile lya Chalumingo na chimene. Etu twayile kuze; Billy apwilenga na kufuta muwato. Kaha etu twatwalile vanyike kuze, muzukulu wami wamundende na vakiko, mwanami wapwevo, na mwanami walunga wamundende, kaha etu twayile kuze ku kalwiji na—na kwenda muwato. Ove kaweshi kuhasa numba kwenda muwato ha kalwiji, mwomwo ya unyengwe, majilo, vathu vakusoloka mwamupi kuze ku kalwiji, vali chimbwa uselesele nakutwalilaho. Wato wapwile kusali yetu, lizavu lya vavandende twolufu-, vanyike vamalunga pamo myaka fwoteni ya kusemuka, wosena na wala mulivoko lyavo, na musanga. Vakiko kuvuluka chize kupwa “kuhema.” Mamaah, yami! Aka kaye nakashimbula ngachilihi, na vilinga vya ngachize?

<sup>119</sup> Kahajino ha kulikasununa vavene kufuma ku vishinganyeka vyakupwa nge navafwa vakiko navaya kuhetese, chuma vakiko navalinga, vakiko kuya na kulinunga na limwe lishima lya kutunga kuli vathu. Shikaho vaze vathu va muyachi woumwe vatwama muze mulishima kana. Echi kacheshi chumako oloze lizavu lya vakakuzeneka kutoma, vaunyengwe vakulikasa hamwe na kaye. Kaha vakiko veji kuzachila hamwe mangana, nge omu mama wakashinakaji apwilenga nakuhanjika, “Tujila vamangona amwe veji kutukila hamwe.” Vakiko kaveshi kuhasa kwiza ku Kaselwoke nakupwa vakutomesa kufuma kukuyoya cha shili. Vakiko vanatondo kuyoya kuze, kaha oku hanga kupwa na unjho nge vakiko vapwa Vakakulishitu. Mwomwoika? Vakiko vanalumuka nakufuma kuli Ikiye, uze Kaselwoke wa muchano wa kuwahlila, Kuyoya, Kuyoya cha kukupuka na kusuwuluka. Ou ukiko mulonga vakiko valingile, mwomwo vakiko vatondele kulinunga. Vakiko vapwilenga na vathu vamuyachi kana vaze vafwelele muli vyuma kana.

<sup>120</sup> Hano keshi kunyima chikumako, Ndumbu walunga Fred na Yami, na Ndumbu walunga Tom, lizavu lyetu twayile ku liuka lyakulumbunuka lya Mbaputishiti mu mbongi ya Tucson, na kutala kachi etu tunahase kwwuana chumachimwe chize chinahase kutuhana etu pamo kwivwa kanawa. Kaha uze mukakuzata ahanjikile chumachimwe chikwavo hali vathu va mu Ejipitu, omwo vakiko vayile vakiko vapwilenga na kulya garlic na vikwavo, vakiko vatondele kukinduluka cheka na kulya vize. Ambile ngwenyi, “Echi chinapu chuma chochimwe nge omu vali vathu lelo.”

Kaha, etu, kalamuthu ambile ngwenyi, “Amena!” Kanda lyehi ngumone muyachi wa lizavu kana! Lize liuka lyosena lyajimbalishile kumona cha uze mukakunangula na kutala kunyima na kumona hiya nahanjika “amen.” Chasolokele nge chavavwishile woma chikuma. Vakiko kavatachikijileko chuma muka chize.

Omwo, Ndavichi ambile ngwenyi, “Pwenu nazungo yakuwahlilila muli Mwata. Mwalise Ikiye na tulyalya! Mwalise Ikiye na jingita! Echenu vyuma vyosena vyatwama na kuhwima vyalise Mwata. Kaha mwalise Mwata!” Kalunga eji kuwahlilila muli vathu Jenyi. Echenu vakiko vaze valinangula, vahanjike, “Amena,” nge kalachuma vanachivuluka kupwa chakwoloka.

<sup>121</sup> Mwomwoika kuhona kwalumuka kufuma kuvinga kana na mashima akukaye, mangana kuzalisa vilinga nya Kalunga, uze napu lishima lya kaselwoke, Yesu Kulishitu? Mwomwoika munahonena kwalumuka nakutala kuli Ikiye, kuze kuli kuhana cha kuwahlilila cha Kalunga, kulisala cha kwalisa chetu, kusuwuluka chakulisala? Echi kuunda cha mishisa yakufuma kuli Kalunga.

Omwo Nangukapwa wakusanyuka, Ngunawane kusuluka chami chili muli Kulishitu, keshi mumusanga walikanya, keshi mu vyuma nya kaye, keshi mukulinunga na jishimbi jauthu; oloze mukumuwana Ikiye, lize Lizu lyalushiko lize Ikiye ambile ngwenyi, “Kachi Nanguya, Nanguya na kwiza cheka nakumitambula.” Ngunawane kuwahlilila chami muli echi. Ikiye napu Kuwahlilila chami.

<sup>122</sup> Vakiko veji kuhanjika lelo, ha kulinunga na vyuma kana na hakulingisa eyi Kasulu ya Mauka ya Kaye, nge vakiko vali nakuya nakulingisa chihela chamwaza kuyoyelamo. Kutesekesa nakushinganyeka chami, vakiko vali nakuya nakupwa na chihela chamwaza cha shili kupwamo. Chize chili kaha...Chuma chosena chinapu shili, mwosena omwo; keshi kuyoyelamo, oloze kufwilamo. Kupwa na chihela chakutwamamo, mokomoko, shili mukachi, keshi mwakuyoyelamo.

<sup>123</sup> Kala chuma cheka, kusali ya Yesu Kulishitu na Lizu Lyenyi lya Kuyoya, linapu lishima lya kutuvika. Kala chuma nacheseka kushina muli Echi; kalachuma ove mweseka kulinga nakuneha kuli ove kuunda, kalachuma ove mweseka kulinga kuneha kuunda, kala tuyachi wa kuwahlilila ize ove myua nakutambula kufumamweka nawa, kupwa chakushisa muli Echi, linapu lishima lya kutuvika lya kuzala na majilo. Ikiye eji kuhananga kusuwuluka.

<sup>124</sup> Ngunanuka hano, changa chachivulu kunyima, Ngwalovokelele ku chikolo cha kunyima. Kwapwile muswe wamundende kuze ahanjikile kuli yami, ambile ngwenyi, “Munatachikiza, mulonga ove uli lwola lwosena kuhanjika hali pwevo nge ngachize, kuvwala jize jiputula na vyuma,” ikiye ambile ngwenyi, “mwomwo ove uli kashinakaji.” Ambile ngwenyi, “Ou ukiko mulonga.”

Ngwambile ngwami, “Tala kuno. Myaka yove yingahi?”

Ambile ngwenyi, “Twende seveni.”

<sup>125</sup> Ngwambile ngwami, “Omwo Ngwapwilenga na myaka yayivulu winyike kuhambahana enu, Ngwanangwile chuma chochimwe.”

Ngawanyine Kaselwoke. Ikiye napu chihanda chami. Amena! Shimbu Ikiye eji kuhanga evi, chize chikiko kuwaha. Chize—chize chami... Chize chinapu mulimo wami, kutala hali Ikiye, kutala kulivoko Lyenyi kuzata na kutala chuma muka Ikiye ali nakulinga. Kwakweshi kaselwoke Ngunatachikiza!

Mamalelo, kuwaha chili nakuhita  
 Echi chinakungulisa yami kupwa utoma nge  
 vula yachishika;  
 Kakweshi kaselwoke weka Ngwatachikiza,  
 Chuma cheka chauchi shina Manyinga a Yesu.  
 Kuli Kaselwoke wakuzala na Manyinga,  
 Wakufuma kumishisa ya Emanuwele,  
 Muze vakashili veji kwingilanga kwishi ya  
 livaji,  
 Kujimbalisa kupaiwa chavo.

<sup>126</sup> Nguli nakumilweka, kakweshi kaselwoke wekako Ngunatachikiza shina uze Kaselwoke. Angutomesele yami omwo Ngwapwile na majilo. Eji kungulamanga yami kupwa utoma, mwomwo Ngwatondo kuyoya mwakwoloka hali Likiko, kunwa awa Meya atuta awa eji kuzalisanga mwono wami na kuwalilila.

Ngunahase kupwa kwishi, kaha kwivwa nge Kangweshi kuhasa kuyako nduma... jila yikwavo, kuhasa kuya kweka kwauchi; kaha jino Ngunahase kufukama na kuhaka munwe wami ha lushiko, kaha nakuhanjika, “Mwata Kalunga, Ove yove ngolo jami. Ove yove kusuwluka chami. Ove yove mwosena na mwosena.” Ngunahase kuputuka kwivwa Chumachimwe kuvwelukufuma mukachi kami muze. Ngunafumu muli likiko.

<sup>127</sup> Nge omu Ngunahichi lyehi myaka fifite yakusemuka, Nanguya nakuhinduka na chimene, munatachikiza omwo chili, ove kaweshi kuhasa numba kufumisa lihinji limwe hakahelako. Yami, ove kaweshi kuhasako; kaha muthuumwe ha chikolo, kungongomweza, mokomoko Billy ngulweke chinatondeka washiwasho, kumakumwe Ngwatela kuya. Kaha Ngwashinganyeeka, “Nanguya ngachilihi Nakuchilinga ech?” Kweseka kufumisa lihinji limwe.

Ngwashinganyeeka, “Ove yove uze Kaselwoke wakuzala na ngolo jami. Amena! Ngolo jami kaha kukafwa chami chafuma kuli Mwata. Ove yove lishima lya kaselwoke kami! Ove yove ukweze wami! ‘Vakiko vaze veji kuvandaminanga hali Mwata navakaya nakutungulula ngolo javo; vakiko navakakanduka na mavava avo nge akwaze; vakiko navakalaha, kaha kaveshi kukazeyako; vakiko navakatambuka, kaha kaveshi kukazeyako.’ Mwata Kalunga, ou unapu mulimo wami, wa kuya. Ngunapu

wa kusanyikila kumulimo.” Kaha chuma chatete munatachikiza, Chumachimwe kuputuka kungongola mukachi muli yami.

<sup>128</sup> Likumbi likwavo, kuze kukachihela kakandende, Ngwapwilenga nakupwa na kuliwana kuze vene ku Topeka, Kansas; kuze kwapwilenga kanyike walunga, mukakunangula wamukweze, umwe hali vaze vambwembwa vatete. Ndumbu walunga Roy, natwame hano, eji kwanukanga chize chihela. Muli echii, muli echii chihela chachinene, kuze kwapwilenga na—na... Ou mukakuzata apwilenga mwishi ya fulumba mokomoko chihela, sali ya mbango kumushiukila ikiye kwishi. Uze mukweze apwilenga nakuya nakufwa. Lisuli lyenyi kushikika. Chimbelema chenyi kuholoka. Masoko kumuholokela.

<sup>129</sup> Ngwatwamine kukulya chachimene, kuhanjika kuli pwevo lyami. Ngwambile ngwami, “Puwami, unatachikiza, kachi Yesu apwanga kuno, munatachikiza chuma kachi Ikiye nalingi?” Ngwambile ngwami, “Omwo ikiye mwangukafwa yami, ‘Ngwafwelela eli Lizu,’ ikiye apwilenga nakukafwa Kulishitu.” Kaha Ngwambile ngwami, “Chize chinapu mingalato ya liyavolo.” Ngwambile ngwami, “Kachi Yesu apwa hano, Ikiye mwaya nakuhaka mavoko Eyi ajila hali ikiye. Uze kanyike wa lunga ahashile kupwa kanawa. Kangwalizakaminako kachi lisuli lyenyi ly a chikikile. Ikiye mwaya nakupwa kanawa, mwomwo Yesu ahashilenga kutambuka muze vene kutachikiza vene Hiya Ikiye apwilenga. Ikiye atachikijile kusanyika Chenyi, evi Visoneka vyapwa vya kwoloka, kwinkikiza muli Ikiye nge Ikiye atachikijile Ikiye apwa Hiya, kaha keshi nge...keshi muvwimbimbi wakakasana ko. Ikiye ahakile mavoko Eyi hali ikiye, kaha nakuhanjika, ‘Mwana walunga, pwako kanawa,’ tambukako muze.” Kaha Ngwambile ngwami, “Kakwechi valiyavolo vakutamo muhetese vakuhasa kujihah uze kanyike walunga, jino.” Ngwambile ngwami, “Ikiye mwaya nakupwa kanawa.” Oloze Ngwambile ngwami, “Wamono uchi wami, Ikiye apwa Yesu, mavoko a Kalunga akujila.”

Ngwambile ngwami, “Yami mukashili. Ngwasemukile mukusemuka cha usunda. Tata na mama vosena vavalii vapwilenga va shili, shikaho Kangweshi nachuma cha mwazako.”

Kaha Ngwambile ngwami, “Oloze munatachikiza? Kachi Mwata mwaya nakunguhana chimweno nakungutuma yami kuze, kahajino chize nachiya nakupwa chakuhandunuka.” Ngwambile ngwami, “Nanguyako kaha kuhaka mavoko ami hali ikiye, ikiye mwaya nakufuma muze mukahela kachi Ikiye mwanguhana yami chimweno.”

<sup>130</sup> Kahajino Ngwashinganyekele, “Ohonyi, kachi chapwile chimweno, kaha chuma muka? Apwile mavoko oamwe hali ikiye, hu-huu, lunga youmwe kumulembelala ikiye, mavoko oamwe amajilo.”

Kahajino Ngwaputukile kushinganyeka, “Yami Ngunapu wakumwimanyinako. Kahajino, Kalunga keshi kumona yamiko. Aze Manyinga auze wakwoloka Umwe kaha ali haze ha kamenga; Eji kungwimanyinako. Ikiye napu mwami mwosena. Ikiye napu kulomba chami. Ikiye napu Kuyoya chami.” Ngwambile ngwami, “Chuma chimwe kaha chinahase kungulingisa kuhaka mavoko hali ikiye, nalufwelelo, mwomwo Ngwapwilenga na lufwelelo muli chize chimweno. Kaha chakuzeneka chimweno, luze lufwelelo lwolumwe naluya nakulinga chuma chochimwe; shikaho Ngunakulyanuka amilyavene kupwa chuma chamokomoko, oloze kumwanuka Ikiye wami mwosena. Ikiye napu Kuyoya chami. Ikiye napu Mukakungutuma. Kakweshi chikungulwilo changutumine; Ikiye angutumine. Haleluya! Nanguya mu Lijina Lyenyi. Nanguya nakuhaka mavoko hali ikiye.” Kutambuka nakyako kaha kuhaka mavoko hali uze kanyike walunga, kaha ufuku uze ikiye apwilenga muze mukuliwana, wapepepe. Amena!

<sup>131</sup> Mamalelo, eyo, Ikiye napu uze Kaselwoke. “Kakweshi weka kaselwoke Ngunatachikiza. Kakweshi wekako shina Manyinga a Yesu!” Yami mukakunuka, Yami chipapwoke, etu vosena mukiko twapwa, oloze kumeso a Kalunga tuvakukupuka. Ye- . . . “Pwenu vakukupuka, nge omu Senu wa Mwilu wakukupuka.” Nauya ngachilihi nakupwa? Mwomwo Umwe wakukupuka natwimanyinako. Uze Kaselwoke aliko hakumbi hakumbi, ututa. Keshi chuma chimwe chakwimana hamwe ko, oloze atuta makumbi osena, uze eji kukosanga jishili josena. Ikiye napu uze Kaselwoke.

<sup>132</sup> Jino mukusoka, Ngunahase kuhanjika ech. Kala chuma chakulimalaka kufuma hali Echi chinapu mashima akutuvika, kaha makumishilo nawaya nakuhichisa kala chuma mukahaka muli likiko; kachi ove unahake malatalilo ove osena, lwola lwovesena, kaha vyuma vyosena, muli amwe awa mashima akulijinga hamwe. Yesu ambile ngwenyi akiko apwa mashima akutuvika. Kalunga ambile ngwenyi, “Akiko anapu akutuvika, kaha vakiko nawaya nakuhichisa vyuma vyosena muhakamo.” Ove kaweshi kuhasa kuyalikako nawakiko, mwomwo akiko nawaya nakuhichisa. Mwomwo Ikiye napu kaha jila yakuya ku Muchano, ku Kuyoya, kaha ku kuwahlilila cha Hayamyaka, kaha ku kuunda cha Hayamyaka. Ikiye napu Umwe kaha jila yimwe kaha yakuya Kuze. Mamaah, yami!

<sup>133</sup> Uze Kaselwoke wa Kuyoya wakuhona kuzeya muli Yesu Kulishitu. Mwomwoika? Kaha Ikiye napu Hiya? Lize Lizu, lyolimwe; lize Lizu, chize Kuyoya, uze Kaselwoke, “youmwe zau, lelo, nahaya myaka.” Mukakufwelela wa muchano, Chinapu kuwahlilila chakulitulaho, Kuyoya chakulitulaho. Kaha kusuwuluka chakulitulaho muli Kulishitu. Kakweshi kushinjikako, kakweshi kukokako, kakweshi kulinungako,

kakweshi kuhakako vikungoko; shina kufwelela kaha na kunoka. Mukiko Ikiye apwa kuli vakakumufwelela.

<sup>134</sup> Nge kakuluka Apalahama; ikiye kakokeleko, ikiye kapwile wakulizakamina ko, ikiye kapwile na woma ko. Ikiye apwilenga na Lizu. Ikiye akundaminyine ha livele lya El Shaddai. Omwo Apalahama apwilenga na myaka handulendi yakusemuka, Kalunga ali solwele kuli ikiye, kaha ambile ngwenyi, "Yami Ukweli ngolo josena." Eli lizu lyachi Hepelewu *El Shaddai*, kulumbununa, "uze Umwe ukwechi Livele." "Kaha ove unakolo, kaha ngolo jove jinayi, oloze kundamina kaha ha tulo Yami kaha nakusata ngolo jove kufuma ku Kaselwoke." Amena! Kaha nasi lyavene ejji kulinga ngachilihi? Mujimba wauhya. Ikiye apwilenga na kemba, na Sala. Kaha, hanyima ya myaka fifite, apwile na vana seveni na pwevo weka.

<sup>135</sup> Mamalelo, El Shaddai! Eyi Tesitamende ya Mwaka yasolola Ikiye chuma alingile, eyi Tesitamende Yayihya yatulweka chuma muka Ikiye mwakaya nakulinga. Amena! Mu Tesitamende ya Mwaka...

<sup>136</sup> Jino peho yinahichi, shikaho Nanguya nakuzanguwisa na kwechela hano jino, mu munyutu kaha.

Nanguzanga kuhanjika echii shimbu kanda Ngusoko. Ngwapwile na chitalilo chamwaza hali echii lwolalumwe. Ngwapwile muunyanga. Kaha vathu vavavulu hano... Kuno ku Georgetown, kuze ku Milltown, kwapwilenga nakupwa, kunyima chikuma mujipili, kaselwoke. Lyapwilenga lishima lya kaselwoke. Likiko lyafumishile pamo nge—nge fwo-mokomoko faifi tulwiji va meya, kulovoka lwola lwolumwe, kaha na kaselwoke wamunene kuze. Kaha vamujinguluka na lukava, munatachikiza, vize vyuma kana kusoka kuze, walivumba. Kaha, mamalelo, Ngwapwilenga kaha nakwivwa pwila yakuyako, mamaah, yami, kuya kuli kaselwoke. Kaha Ngwasavalile kuli ikiye na kunwa kaha kunwa, kaha kutwama na kunwa, kuvandamina.

Kaha mumwaka mumyaka Nanguya lika nakwiza kuli youmwe kaselwoke. Likiko kalyecha ko, mushika mokomoko munonga. Vakiko kawahashilenga kulikwatako. Ove kaweshi kuhasa kulikwatako lishima lya kaselwoke. Mamalelo, nduma! Mamalelo, nduma! Kangwalizakaminako omwo—omwo kuli nakuya nakututa, kacheshi kuhasa kukwachisa uze ko. Ove nauya nakukwachisa lishima; na mbundu yayindende kaha yinahase kuli ngachize. Talenu?

Oloze kala chuma chize chili nakwende, chikwechi Kuyoya muli chikiko, chili nakwenda. Kaha ove kaweshi kuhasa kukwachisa Lishima lya kaselwoke ko. Chipwethuhu nakupwa ngachilihi shipilitu yakulikehesa kuchize chihela, eli Lishima lyapwa lwola lwosena lya kuyoya. Kayoyele kuli lize Lishima.

<sup>137</sup> Kaha Ngwamwene kuze, Ngwayile kaha Ngwanuine mulikiko, kaha, mamaah, yami, meya atuta kaha! Ove kaweshi kahasa kalizakaminako, “Kulikomokela, kachi Ngwayile kuze, kulikomokela nge eji kulitwamina?” Napunga kaha nakusefuka lika...

<sup>138</sup> Jimi umwe wamwaka angulwekele yami, ambile ngwenyi, “Kaka yami apwilenga nakunwamo.” Kaha ambile ngwenyi, “Lize kanda lyehi lyumenga mokomoko kalachuma. Hanga lyapwa lishima lyolimwe, kuvweluka muze mu Blue River.”

<sup>139</sup> Ngwashinganyekele, “Mamaah, yami, chihela chamwaza cha meya!” Nanguya nakutakako pamo milosi nakufuma mujila, kuya kuli chize chihela, mwomwo chinapu chihela chivene cha kunwana. Mamalelo, yami omwo apwilenga meya amwaza! Mamaah, yami!

Nachipwa—Nachipwa chamwaza kuya kuze kupambo, Arizona jino, Hanga ngwashinganyeke hali echii, “Chize chinapu lishima lyamwaza kuze, kachi Ngunahase kusavala kuze!”

Nge Ndavichi ambile ngwenyi lwola lumwe, “Mamalelo, kachi Nanguhassa kunwa cheka kufuma muze mu lishima!” Kachi ikiye nahase kuya kuze!

<sup>140</sup> Kaha Ngwatwamine hamavu likumbi limwe, kaha Ngwapwilenga na kusekeleka ha chuma chize chasolokele kuli yami. Kaha Ngwambile ngwami, “Chuma muka ove chakulingisa ove kuwahilila lwola lwosena? Ngwashinganyeke Nanguhassa kupwa wakuwahilila ngachize. Mwomwoika, Kanda lyehi ngukumone wasoloka kuhomba, kufuma haze Ngunezanga lika kuno. Kakweshi numba chumachimwe chaushona muli ove.” Ngwambile ngwami, “Ove lwola lwosena wazala nakuwahilila. Ove wapwa kaha nakutumbuka na kusefuka na kutwalilaho. Chishika mokomoko nonga, kututa mokomoko kuzuma, kalachuma chili, enu lwola lwosena mwazala nakuwahilila. Chuma muka ove...? Chuma, chuma muka echii? Mwomwoika Ngunanu kufuma muli ove?”

“Nduma.”

Ngwambile ngwami, “Chamwaza, pamo vambwanda veji kunwa muli ove, kaha wachizanga chikuma.”

“Nduma.”

Ngwambile ngwami, “Chamwaza, chuma muka ove uli nakuvwelukila ngachize? Chuma muka ove unawahilila? Chuma muka ove lwolalwosena wazala nakuwahilila?” Ngwambile ngwami, “Chili mwomwo vaze—vaze tujila vali nakunwa kufuma muli ove?”

“Nduma.”

“Mwomwo Ngweji kunwanga muli ove?”

“Nduma.”

Ngwambile ngwami, “Chamwaza, chumamuka ove unazale na kuwahilila?”

<sup>141</sup> Kaha kachi nge nauhanjika kanawa kuli yami, kachi ikiye mwahanjika echi: “Ndumbu walunga Branham, keshi mwomwo ove unanumo ko; Ngwasakwila hali chize, kaha mwomwo Ngweji kusenyisa tujilako. Ngweji kusanyisa kalamuthu uze natondo kunwa. Chuma kaha ove watela kulinga shina twaya kuno kaha unwenga. Oloze, chuma muka yami ngunawahilila, keshi yami nguli nakuvweluka ko, chili kaha chuma chimwe mukachi, chili nakushinjika. Chili chumachimwe chili nakunguvwelula.”

<sup>142</sup> Kaha eyi ikiko jila yapwa na kuyoya chakuzala na Shipilitu. Nge omu ambile Yesu, Ikiye apwilenga muze... Talenu, Ikiye mwamihana tuselwoke twameya kuneha Kuyoya chahamyaka, kaze kaselwoke, wakuhingunuka na kutwalilaho kuhingunuka. Chipwe liuka lyosena kulili mokomoko lyauchiko, ove hanga uli kuze Kulishima.

Mwomwoika ove myua nakumbata jila ya chikungulwilo na lishima, lya kuzala na tututu na vyuma vyosena nawa, kaha kunwa muze muchimbwetengele, ohonyi ove vanakusanyika ku Kaselwoke, Lishima lya kaselwoke?

<sup>143</sup> Ngwashinganyeka omu vali nakushijika, kaha wakuhasa, kaha—kaha kuwweluka nazungo, kaha wakusehewa, kaha wakuwahilila, kaha kutumbujoka, kaha wakuwahilila. Kututa, vula; kuzuma, changa, omwo vyosena vya mulifuchi navyuma, likiko hanga avweluka mwomumwe nge kunyima. Mwomwo wakukunama, wakujikiza, wakwingila mumalolwa mukiko afuma.

<sup>144</sup> Mamalelo, echa nguyoyele kuze ku Gusher! Kumbata zachiso yosena yakutunga kuli vathu enu munatondo, mashima enu osena avimbwetengele, oloze echa yami ngwizenga ku... mokomoko mashima avimbwetengele. Oloze, echa ngwizenga kuli ou Kaselwoke, echa yami ngwizenga kuze Ikiye ali wakuzala. Ikiye napu Kuwahilila chami. Ikiye napu Kumunyika chami. Ikiye napu yami—Ikiye napu Ngolo jami. Ikiye napu Meya ami. Ikiye napu Kuyoya chami. Ikiye napu Mukakuka. Ikiye napu Mulwilo wami. Ikiye napu Mwangana wami. Vyuma vyosena Ngunatondo vili muli Ikiye. Mwomwoika Nangutondela kuya kweka nawa?

<sup>145</sup> Ndumbu walunga, ndumbu wapwevo, kaweshi kuhasa kwiza kuli ou Kaselwoke ufuku uno ko? Kaweshi kuhasako, kachi ove kanda ove upwengako, kaweshi kuhasa kutambula Echi ufukuuno ko shimbu etutwanongama mitwe yetu?

<sup>146</sup> Mashima akutuvika, akuhichisa, kulovoka, aka kaye kulovoka muli likiko, na majilo kufuma ku chisete na makumbi akwavo. Mwomwoika keshi eli Lishimako, aze majilo kaweshi kuhasa kutwamamoko, uze Kaselwoke wamunene wakuzala na

Manyinga, akufuma ku mishisa ya Emanuwele? Mwomwoika ove muhonena kumutambula ufuku uno? Echenu Kalunga atukafweko ufukuuno, muno muchanga, lifuchi lyapwila. Nge omu kapolofweto ambile ngwenyi, “Ikiye napu Lilolwa mulifuchi lya kuzeneka kuzeya.” Ikiye napu uze Kaselwoke. Kaweshi kuhasa kwiza kuli Ikiye ufukuuno, mukachi ka michima yenu, shimbu etu natulomba?

<sup>147</sup> Ove Tata wa Mwilu, kakweshi numba Kaselwoke wekako, nge omu mwaso uli nakwimba, “Kakweshi kaselwoke weka Ngunatachikiza; wauchi shina Manyinga a Yesu.” Ngwasemukilile muze, Vanangukulishila muze; Ngwatondo kuyoyela muze, kaha kufwila muze, kaha kusangukila cheka muze, ku Meso Eyi. Lwola lwosena, Mwata, echa yami ngupwenga Kumeso Eyi, mwomwo kakweshi wekako Ngunatachikiza. Kawechi shimbiko, kakwechi zangi; kakwechi zangiko shina Kulishitu, kakwechi lushimbi ko shina Kulishitu, kakwechi mukandako shina eyi Mbimbiliya, kakwechi chuma chekako, kakwechi kuwahlilila kusali ya Ikiye ko. Mumbate Ikiye kumufumisa muli yami, Ove Kalunga, Kangwalizakaminako kaye kangahi Ngwaheta, echi—echi hanga nachipwa cha kufwa, Ngunahase kutalyangila nakujinguluka na mavoko ami akuzundula helu lya mutwe wami. Mbatenu Ikiye kumufumisa muli yami, Nanguya nakupwa wakufwa, Mwata. Oloze echi Ikiye apwenga muli yami, jino Kuvale hanga wamwaza nge Kashikana, jino kakwechi vihela vizuma kaha kakwechi vihela vyva changa ko, chipwe kufwa chivene kacheshi na kuhasa ko. Echa etu tupwenga na Ikiye, Tata. Muhanenu Ikiye, mwakulisala, kuli mukakufwelela wosena hano ufuku uno, nge vakiko mu vanavandamina muli uno kapete.

<sup>148</sup> Vavavulu vatela kwendesa mujijila ufukuuno, shimbu vakiko navaya kumembo avo, kaha echa echi chipwenga kushinganyeka chavo, “Nguli nakuyoyela hali kaze Kaselwoke. Nguli nakuyoyela muze, kunwa chituta, ola ha ola.”

<sup>149</sup> Kaha kachi vakiko kanda vatambule chize, shimbu kanda, echa vakiko vamutambule Ikiye jino, shikaho vakiko vanahase kumbata Kaselwoke vayenga nenyi. “Nanguya na ove; Nanguya nakupwa na ove nakusongo ya kaye.” Tuhane evi vyuma kana, Tata.

<sup>150</sup> Kaha jino shimbu etu natupwa na mitwe yetu yakunongama, kuliko muthuumwe muno, ufukuuno, mokomoko vangahi navaya nakuhanjika, “Mwata, ngumbate nakungutwala kuze ku Kaselwoke jino. Kangwejile kuno nakwivwa kaha ko; Nguneza kuno nakutonda Chumachimwe. Nguneza nakukutonda Ove, Mwata. Nguli nakutonda Ove ufukuuno. Twaya ku muchima wami hano vene jino. Nauya Ove nakulinga echi, Mwata?” Kalunga akukisule. Ou Mwata akisule enu vosena.

<sup>151</sup> Tata, Ove unamono mavoko, ali nahelu kaha kujimbango joseno jingulwishi, kaha mutupete tukwavo, kuweluka. Ove—Ove unavamono, Tata. Ngwa—Ngwalombo nge Ove uyenga nakuvahana vyuma vyosena va vanatondo. Pamo vakiko vanapunga nakunwa mumashima amwaka, Mwata, amwe achimbwa ahachitulilo kwiji pamo muthu umwe alifulile, linapu lyakupihisa lyehi na miyachi ya vinangwilo vya ungeji, kukana eli Lizu. Ngwalombo, Kalunga, ufuku uze vakiko navakeza kuli Ikiye Uze Kaselwoke, uze Kaselwoke wa Kuyoya. Tuhanecho, Tata. Ngunavahane vakiko kuli Ove jino mu Lijina lya Yesu.

<sup>152</sup> Kaha Ove wangulwekele, “Kachi ove naukalombakalachuma mu Lijina Lyami, nachiya nakulingika.” Jino, Kangwatela kulomba ngachizeko, Mwata, kachi Ngwashinganyekanga nge kacheshi kuhasa kulingikako. Nanguya nakupwa—Nanguya nakupwa nakuhanjika echi nge kuhanjika kaha. Oloze Ngwalombelela, na kushishika chosena. Ngwavalobelela, kufwelela nge Ove myua nakuvahana chuma Ove wavashikile.

<sup>153</sup> Kaha jino Ngunavafumisa kufuma kuze ku lishima ufuku uno. Ngunambate navafumisako kufuma kuchihela kana vakiko vanapunga nakunwina, kuze vakiko kavasuwlukilenga ko; kuvaneha kuli ou Kaselwoke. Ngunalingi echi mu Lijina lya Yesu Kulishitu.

<sup>154</sup> Vakiko vanapu Vove, Mwata. Echa vakiko vanwenga kufuma kuli Ove, aze Meya akuyoya, uze Kaselwoke wa Meya akuyoya. Mu Lijina lya Yesu, Ngwalombo echi. Amena. Tuhanecho echi, Mwata.

Mamalelo, kuwaha chili hali uze kapila  
 Echi chili nakungulisa yami kupwa utomato  
     nge vula yachishika;  
 Kakwechi kaselwoke weka Ngunatachikizako,  
 Cheka chauchi shina Manyinga a Yesu.

Chuma muka chinahase kukosa shili yami?  
 Cheka chauchi shina Manyinga a Yesu;  
 Chuma muka nachingulingisa kupwa  
     walambwe cheka?  
 Cheka chauchi shina Manyinga a Yesu.  
 Mamalelo, . . .

Yesu, vahindule ava, Mwata! Tuhanenu echi, Mwata, kuhichila mu Lijina lya Yesu. Ngwalombo, Kalunga, nge Ove . . . ? . . . Ove unatachikiza vyuam vyosena.

Kakwechi kaselwoke weka Ngunatachikiza,  
 Mamalelo, cheka chauchi shina Manyinga a . . .

<sup>155</sup> Shinganyeka echi, kakwechi kaselwoke weka Ngunatachikiza ko! Kangwatachikiza wekako shina Ikiye. Kangweshi nakufwila kutachikiza chuma chekako shina Ikiye. Cheka chauchi shina Manyinga a Yesu! Mamalelo!

Mamalelo, kuwahakana omu ali  
 nakuhingunuka  
 Echi nachingulingisa yami kupwa utoma nge  
 vula ya chishika;  
 Kakwechi kaselwoke wekako Ngunatachikiza,  
 Mamalelo, cheka chauchi shina Manyinga a  
 Yesu.

<sup>156</sup> Shimbuetu tuli nakwimba cheka, echa tulimeneke umwe namukwavo. Enu mwalizanga umwe namukwavo? Kuli ko kala muthu muno akwechi na chuma chimwe hali kalamuthu mukwavo? Kachi ngocho, yako nakucholola. Namuhasa? Echenu tuseze hano nge ngachize. Talenu? Kachi unavulumuna kalamuthu, ove yakoko nakwolola, hano vene. Hano vene chinapu lisesa lyobe yakuyako, nakuhanjika, "Ndumbu walunga, ndumbu wa pwevo, Ngwafwelela chumachimwe hali ove, Ngwashinganyekele chumachimwe. Kangwatwalanga nge kulinga chizeko. Ngukonekelenu." Talenu, eyi ikiko jila mwakulingila. Echenu tupwenu na ou Kaselwoke ou ali mukachi ketu, lwola lwosena. Talenu?

Kakwechi kaselwoke weka Ngunatachikiza,  
 Cheka chauchi shina Manyinga a Yesu.

Mamalelo, kuwaha kana hakuhingunuka  
 Echi chinakungulisa ami kupwa utoma to nge  
 vula yachishika;  
 Mamalelo, kakwechi kaselwoke  
 Ngunatachikiza,  
 Cheka chauchi shina Manyinga a Yesu.

<sup>157</sup> Mamalelo, kumana Ikiye keshi wa mwazako? Kakwechi kaselwoke wekako! Etu katwalipihisa umwe na mukwavo ko muvyuma vyeka. Etu tunalihandununa, twaseze kaye kunyima. Etu katwatondele cheka vyakulya vya mu Ejipitu na mashima akutuvika. Etu tuli muungeji na Mwata Yesu, uze Lilolwa lya kuveta, amena, kulya Mana kufuma Kwilu, kaha kunwa; Kulya cha vangelo, kaha kunwa kufuma muze mu Lilolwa. Amena!

Kakwechi kaselwoke wekako Ngunatachikiza,  
 Cheka chauchi shina Manyinga a Yesu.

Jino echenu tunongamenu mitwe yetu.

<sup>158</sup> Kulomba nge Kalunga mwaya nakumikisula chikuma, nge likoji na keke Vyenyi naviya nakupwa naenu muli ou mulunga nawizaho. Kaha kalachuma nge nachisoloka, mangana umwe kuli enu akasewunuke kuhambakana chize chikova jino, anukenu kaha awa anapu jiola jajindende ja kusavala na kunoka palanga etu natukaliwana. Anukenu, vaze, "Vakiko navakapwa vavatonyi kaveshi kukahonesa vaze vanasavatuloko, mwomwo Luneta lwa Kalunga, luze Luneta lwamakumishilo..." Luze lwa muchitanu nakamwe lunembi lyehi. Kaha luze Luneta lwamakumishilo, nge Katachikijilo,

nakakapwa Kwiza cha Mwata. “Nalukaya nakwimba, kaha vafu muli Kulishitu navakalivanga kusanguka chatete.” Kunoka kaha palanga lwola luze.

<sup>159</sup> Kaha kachi ove mulemana, anukenu:

Mbata Lijina lya Yesu na yove,  
Kupwa lukepwe lwakukinga nalwo kufuma  
kumuheto;  
Kaha omwo vyeseeko na vikujinguluka,  
Hwima kaha chize kuhwima cha Lijina  
mukulomba. (Va liyavolo kuchina.)

<sup>160</sup> Anukenu kaha, etu twafwelela kuliwana hano Chalumingo nachizaho na chimene. Kanehenu vakakuvisza na vakuyanjiwisa. Nanguya nakumilombelela. Enu nawa ngulombelelenuko jino. Munahase kuchilinga ech? Hanjikenu, “Amena.” [Chikungulwilo ngwacho, “Amena.”—Muka.] Nanguya nakumilombelelako, mangana Kalunga amikisule.

...Lijina mu kulomba.

Lijina lya Mwaza, Lijina lya Mwaza, Mamalelo  
omwo lyayema!

Lutalililo lwa mavu na kuwahilila cha Mwilu;  
Lijina lya Mwaza, Mamalelo omwo lyayema!  
Lutalililo lwa mavu na kuwahilila cha Mwilu.

Ha Lijina lya Yesu kunongama,  
Kuholoka ulukutu kumahiji Enyi,  
Mwangana wava myangana wa Mwilu  
mwakaya nakumuvwika Ikiye muchama,  
Omwo ungeji wetu naukakuma.

Lijina lya Mwaza, Lijina lya mwaza, (kalyeshi  
liyemako kaha lya mwazako?)

Lutalililo lwa mavu na kuwahilila cha Mwilu;  
Lijina lya Mwaza, Lijina lya mwaza, Mamalelo  
omwo lyayema!

Lutalililo lwa mavu na kuwahilila cha Mwilu.

<sup>161</sup> Chapwa lwola lwosena chachikalu kukuseza. Chipwethuhu Ngunatachikiza ove ulu nakuwema, oloze kuli chuma chimwe hali ech?... Echenu, kakwechi cheka vasi ya chuma chimweko, munahase kuchilinga ech? [Chikungulwilo ngwacho, “Amena.”—Muka.] Munahase kuchilinga ech? *Lwa Kukisula Luze Lungozi Lweji Kukasanga*, ndumbu wapwevo. Vangahi vanatachikiza ou mwaso wamwaka? Twapwilenga nakuwimba, myaka yakunyima.

<sup>162</sup> Kaha Ngwapwanga nakushinganyeka, ufuku uno, “mavoko avali, kuli mahandulendi, vaze vanasaleko,” omwo etu twapwilenga nakwimbanga uze mwaso muno mu mbalaka, nakulinunga naumwe na mukwavo kumavoko. *Lwa Kukisula Luze Lungozi Lweji Kukasanga*. Ngunafundu vavavulu, hano

vene hamafuka. Vakiko vali nakuvandamina. Nangukaya nakuvamona cheka. Ngweji kuvamonanga, kamwe na kamwe, mu chimweno, omwo Ngweji kutalanga kuhambakana lize lihina. Vakiko kuvali.

Echa tunongamenu mitwe yetu jino shimbu tuli na kwimba.

Lwa kukisula luze lungoji lweji kukasanga

Michima yetu muzangi muli Kulishitu;

Chize kulikata . . .

Chili nge chize Helu.

Omwo etu . . .

Jino olovela nakukwata kulivoko lya muthu umwe.

. . . kuvatula,

Jino nongamenu mitwe yenu.

Echi chili nakutuhana kukola muka;

Oloze etu natukapwa hanga twalinungila

mukachi ka muchima,

Kaha ngwatalilila kuliwana cheka.

<sup>163</sup> Na mitwe yetu tunongamenu. Ngulinakuhana kutanga kuli kafunga jino, kaha nakumimwanga mu . . .



*MASHIMA AKUTUVIKA* LVE64-0726E  
(Broken Cisterns)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chingoloshi, Kuhuhu 26, 1964, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)